

四庫全書

史部

欽定四庫全書

史部

前漢書卷八至  
十二

詳校官侍讀臣陳萬青

洗馬臣王坦修覆勘

覆校官中書臣馮培

校對官中書臣王璵

謄錄監生臣黃奕選

欽定四庫全書

前漢書卷八

漢

蘭

臺

令

史

班

固撰

唐正議大夫行秘書少監琅邪縣開國子顏師古注

宣帝紀第八

孝宣皇帝

荀悅曰諱詢字次卿詢之字曰諱應劭曰諡法聖善周聞曰宣

武帝曾孫戾

太子孫也

韋昭曰以違戾擅發兵故諡曰戾臣瓚曰太子誅江充以除讒賊而事不見明後武帝覺

寤遂娛克家宣帝不得以加惡諡也董仲舒書曰有其功無其意謂之戾無其功有其意謂之罪師古曰瓚說

是太子納史良娣服虔曰史姓也良娣官也師古曰太子有妃有良娣有孺子凡三等娣音

次第生史皇孫師古曰以外家姓皇孫納王夫人生宣

帝號曰皇曾孫生數月遭巫蠱事太子良娣皇孫王夫

人皆遇害語在太子傳曾孫雖在襁緥李奇曰襁絡也

負小兒緥小兒大藉也孟康曰緥小兒被也師古曰緥即今之小兒繡也緥孟說是也襁音居丈反緥音保繡

音補猶坐收繫郡邸獄如淳曰謂諸郡邸置獄也師古曰據漢舊儀郡邸獄治天下郡

國上計者屬大鴻臚此蓋巫蠱獄而丙吉為廷尉監師古

曰監者廷尉之官屬治巫蠱於郡邸憐曾孫之亡韋使女徒復作

淮陽趙徵卿渭城胡組更乳養

李奇曰復作者女徒也謂輕罪男子守邊一歲

女子輒弱不任守復令作於官亦一歲故謂之復作徒也孟康曰復音服謂弛刑徒也有赦令詔書去其鉗釭赭衣更犯事不從徒加與民為例故當復為官作滿其本罪年月日律名為復作也師古曰孟說是也趙徵卿淮陽人胡組渭城人皆女徒也二人更遞乳養曾孫而丙吉傳云郭徵卿紀傳不同未知孰是更音工衡反

私給衣食視遇甚有恩巫蠱事連歲不決至後元二年

○劉敞曰按武帝後元二年無赦元年乃有之蓋本云後元年後人誤作後元元年又就元字注二字後又誤

為二耳武帝疾往來長楊五柞宮

師古曰長楊五柞二宮並在盤屋皆以樹名之

帝往來二宮之間也望氣者言長安獄中有天子氣上

遣使者分條中都官獄

師古曰中都官凡京師諸官府也

繫者輕重皆

殺之內謁者令郭穰夜至郡邸獄

師古曰百官表云內者署屬少府續漢書

志云掌宮中布張諸褻物丁孚漢官云令秩千石蓋當時權為此使

○劉敞曰謁字衍劉敞同吉拒閉

使者不得入曾孫賴吉得全因遭大赦吉廼載曾孫送

祖母史良娣家語在吉及外戚傳後有詔掖庭養視上

屬籍宗正

應劭曰掖庭宮人之官有令丞宦者為之詔勅掖庭養視之始令宗正著其屬籍

時

掖庭令張賀嘗事戾太子思顧舊恩

師古曰顧念也

哀曾孫奉

養甚謹以私錢供給教書既壯為取暴室嗇夫許廣漢

女

應劭曰暴室宮人獄也今曰薄室許廣漢坐法腐為宦者作嗇夫也師古曰暴室者掖庭主織作染練之

署

故謂之暴室取暴曬為名耳或云薄室者薄亦暴也

今

俗語亦云薄曬蓋暴室職務既多因為置獄主治其

罪

人故往往云暴室獄耳然本非獄名應說失之矣嗇

夫者暴室屬官亦猶蹠鄉之嗇夫也曬音所懈反又音

所

智曾孫因依倚廣漢兄弟及祖母家史氏師古曰倚

反

受詩於東海馭中翁

服虔曰馭音馥師古曰東海人姓馭字中翁也馭音房福反中讀曰

仲

高材好學然亦喜游俠

師古曰喜音許吏反

鬪雞走馬具知閭

里奸邪吏治得失數上下諸陵

師古曰諸陵皆據高敞地為之縣即在其側帝

每周游往來諸陵縣去則上來則下故言上下諸陵

周徧三輔

師古曰游行皆至其處常困

於蓮勺鹵中

如淳曰為人所困辱也蓮勺縣有鹽池縱廣十餘里其鄉人名為鹵中蓮音輦勺音

灼師古曰如說是也鹵者鹹地也今在灤陽縣東其鄉人謂此中為鹵鹽池也尤樂杜鄠之間

師古曰二縣之間也杜屬京兆鄠屬扶風鄠音扈率常在下杜孟康曰在長安南師古曰率者

總計之言也下杜即今之杜城時會朝請舍長安尚冠里文穎曰以屬弟尚親故歲

時隨宗室朝會也如淳曰春秋曰請師古曰舍止也尚冠者長安中里名帝會朝請之時即於此里中止

息請音反身足下有毛臥居數有光耀師古曰遍身及足下皆有毛每

買餅所從買家輒大讐師古曰讐讀曰售亦以是自怪元平元

年四月昭帝崩毋嗣大將軍霍光請皇后徵昌邑王六



月丙寅王受皇帝璽綬尊皇后曰皇太后癸巳光奏王

賀淫亂請廢語在賀及光傳秋七月光奏議曰禮人道

親親故尊祖尊祖故敬宗大宗無嗣擇支子孫賢者為

嗣孝武皇帝曾孫病已

師古曰蓋以夙遭屯難而多病苦故名病已欲其速差也後以

為鄙更改諱詢

有詔掖庭養視至今年十八師受詩論語孝經

操行節儉慈仁愛人可以嗣孝昭皇帝後奉承祖宗子

萬姓

師古曰天子以萬姓為子故云子萬姓

奏可遣宗正德至曾孫尚冠

里舍洗沐賜御府衣太僕以軫獵車奉迎曾孫

文穎曰軫獵小

車前有曲輿不衣也近世謂之軫獵車也孟康曰今之  
載獵車也前有曲軫特高大獵時立其中格射禽獸李  
奇曰蘭輿輕車也師古曰文李二說皆是時未備天子  
車駕故且取其輕便耳非藉高大也孟說失之軫音鈴

就齊宗正府庚申入未央宮見皇太后封為陽武侯古師

曰先封侯者不欲立庶人為天子也已而羣臣奉上璽綬即皇帝位謁高

廟八月己巳丞相敞薨師古曰楊敞也九月大赦天下十一月

壬子立皇后許氏賜諸侯王以下金錢至吏民鰥寡孤

獨各有差皇太后歸長樂宮初置屯衛

本始元年春正月募郡國吏民訾百萬以上徙平陵文穎

曰昭帝陵遣使者持節詔郡國二千石謹牧養民而風德化

師古曰以德化被於下故云風也詩序曰上以風化下

大將軍光稽首歸政上謙

讓委任焉論定策功益封大將軍光萬七千戶車騎將

軍光祿勳富平侯安世萬戶

李斐曰居光祿位以車騎官號尊之無車騎官屬

詔曰故丞相安平侯敞等居位守職與大將軍光車騎

將軍安世建議定策以安宗廟功賞未加而薨其益封

敞嗣子忠及丞相陽平侯義

師古曰蔡義

度遼將軍平陵侯

明友

師古曰范明友

前將軍龍雒侯增

師古曰韓增

太僕建平侯延

年師古曰太常蒲侯昌師古曰諫大夫宜春侯譚師古曰

譚師古曰當塗侯平師古曰功臣表云魏不害以捕反者胡倩

千二百戶今此紀言當塗侯平與杜侯屠耆堂蘇林曰

表乖錯未知孰是或者有二名乎杜侯屠耆堂姓復陸

其祖父復陸支本匈奴也歸義長信少府關內侯勝

為屬國王從驃騎有功乃更封也師古曰夏侯勝邑戶各有差封御史大夫廣明為昌水侯師古曰

廣明後將軍克國為營平侯師古曰趙克國大司農延年為陽城

侯師古曰少府樂成為爰氏侯師古曰光祿大夫遷為

平丘侯師古曰賜右扶風德師古曰典屬國武師古曰

王遷師古曰賜右扶風德師古曰典屬國武師古曰

廷尉光

師古曰李光

宗正德

師古曰楚元王之曾孫劉辟強子

大鴻臚賢

師古

賢曰韋

詹事畸

蘇林曰畸音畸隻之畸師古曰宋畸也音居宜反

光祿大夫吉

師古

曰丙

京輔都尉廣漢

師古曰趙廣漢也三輔郡皆有都尉如諸郡左輔都尉治高陵右輔

都尉治郡京輔都尉治華陰灌北

爵皆關內侯德武食邑

張晏曰舊關內侯無邑也

以蘇武守節外國劉德宗室俊彥故特令食邑

夏四月庚午地震詔內郡國舉

文學高第各一人

韋昭曰中國為內郡緣邊有夷狄障塞者為外郡成帝時內郡舉方正北

邊二十二郡舉勇猛士

五月鳳皇集膠東千乘赦天下賜吏二千

石諸侯相下至中都官宦吏六百石爵各有差

如淳曰中都官

宦吏奄人為吏者也晉灼曰凡職在京師者也師古曰  
二說皆非也中都官謂在京師諸官也宦吏諸奄官也

自左更至五大夫

師古曰左更第十二爵也五大夫第九爵也更音工衡反○劉敞曰案此

賜爵不及中二千石者緣王即位九侯率已為關內侯矣

賜天下人爵各一級孝者

二級女子百戶牛酒租稅勿收六月詔曰故皇太子在

湖未有號諡

師古曰湖縣名也死於湖因即葬焉

歲時祠其議諡置園邑

語在太子傳秋七月詔立燕刺王太子建為廣陽王

師古

曰刺音來曷反

立廣陵王胥少子弘為高密王

二年春以水衡錢為平陵徙民起第宅

應劭曰水衡與少府皆天子私

藏耳縣官公作當仰給司農今出水衡錢言宣帝即位為異政也晉灼曰食貨志初大司農管鹽鐵官布多故

置水衡欲以主鹽鐵及揚可告緡上林財物大司農陽

衆乃令水衡主上林上林三官主鑄錢也  
城侯田延年有罪自殺師古曰坐增夏五月詔曰朕以

眇身奉承祖宗夙夜惟念孝武皇帝躬履仁義選明將

討不服匈奴遠遁平氐羌昆明南越百蠻鄉風師古曰

也嚮款塞來享應劭曰款叩也皆叩塞門來服從也如淳曰款寬也請除守塞者自保不為寇害也

故曰款五原塞師古曰應說也此汎建太學修郊祀

說夷狄來賓之事非呼韓邪保塞意也  
定正朔協音律封泰山塞宣房蘇林曰隄名在東郡界李斐曰決河上宮名也

張晏曰瓠子隄名師古曰蘇張二說皆是

符瑞應寶鼎出白麟獲功德茂盛

不能盡宣而廟樂未稱

師古曰稱副也

其議奏有司奏請宜加

尊號六月庚午尊孝武廟為世宗廟奏盛德文始五行

之舞

應劭曰宣帝復采昭德之舞為盛德舞以尊世宗廟也諸帝廟皆常奏文始四時五行舞也

天

子世世獻武帝巡狩所幸之郡國皆立廟賜民爵一級

女子百戶牛酒匈奴數侵邊又西伐烏孫烏孫昆彌及

公主因國使者上書

師古曰昆彌烏孫王之號也國使者漢朝之使也

言昆彌

願發國精兵擊匈奴唯天子哀憐出兵以救公主秋大



發興調關東輕車銳卒

師古曰調亦選也銳利也言其勇利也調音徒鈞反

選郡

國吏三百石伉健習騎射者皆從軍

師古曰伉強也音口浪反

御史

大夫田廣明為祁連將軍

應劭曰祁連匈奴中山名也諸將分部廣明值此山因以

為號也師古曰祁音上夷反

後將軍趙克國為蒲類將軍

應劭曰蒲類匈奴中

海名也在敦煌北晉灼曰匈奴傳有蒲類澤師古曰晉說是也

雲中太守田順為虎牙

將軍及度遼將軍范明友前將軍韓增凡五將軍兵十

五萬騎校尉常惠持節護烏孫兵咸擊匈奴

三年春正月癸亥皇后許氏崩戊辰五將軍師發長安

夏五月軍罷祁連將軍廣明虎牙將軍順有罪下有司

皆自殺

晉灼曰田千秋子也廣明坐追留順坐增虜獲

校尉常惠將烏孫兵入

匈奴右地大克獲封列侯大旱郡國傷旱甚者民毋出

租賦三輔民就賤者且毋收事盡四年

晉灼曰不給官役也師古曰收

謂租賦也事謂役使也盡卒始四年而止

六月己丑丞相義薨

師古曰蔡義

四年春正月詔曰蓋聞農者興德之本也今歲不登已

遣使者振貸困乏其令太官損膳省宰

師古曰膳具食也食之善者也

宰為屠殺也省減也漢儀注太宰令屠者七十二人宰二百人樂府減樂人使歸就農

業丞相以下至都官令丞

師古曰都官令丞京師諸署之令丞

上書入穀

輸長安倉助貸貧民以車船載穀入關者得毋用傳

師古曰傳傳符也欲殺之多故不問其出入也傳音張戀反

三月乙卯立皇后霍氏

賜丞相以下至郎吏從官金錢帛各有差赦天下夏四

月壬寅郡國四十九地震或山崩水出詔曰蓋災異者

天地之戒也朕承洪業奉宗廟託于士民之上未能和

羣生迺者地震北海琅邪壞祖宗廟朕甚懼焉丞相御

史其與列侯中二千石博問經學之士有以應變

師古曰謂

禦塞災  
異也

輔朕之不逮毋有所諱令三輔太常內郡國舉

賢良方正各一人律令有可蠲除以安百姓條奏被地

震壞敗甚者勿收租賦大赦天下上以宗廟墮素服避

正殿五日

師古曰墮者毀也音火規反

五月鳳皇集北海安丘淳于

師古曰二縣皆屬北海郡

秋廣川王吉有罪廢遷上庸自殺

○宋祁曰吉一

字作去

地節元年

應劭曰以先者地震山崩水出於是改年曰地節欲令地得其節

春正月有

星孛于西方三月假郡國貧民田

師古曰權以給之不常與

夏六月

詔曰蓋聞堯親九族以和萬國

師古曰尚書堯典云克明俊德以親九族九族

既睦平章百姓百姓昭明協和萬邦故詔引之

朕蒙遺德奉承聖業惟念宗室

屬未盡而以罪絕若有賢材改行勸善其復屬使得自

新

師古曰復音扶目反

冬十一月楚王延壽謀反自殺十二月癸

亥晦日有蝕之

二年春三月庚午大司馬大將軍光薨詔曰大司馬大

將軍博陸侯

師古曰尊之故不名

宿衛孝武皇帝三十餘年輔孝

昭皇帝十有餘年遭大難躬秉義率三公諸侯九卿大

夫定萬世策以安宗廟天下蒸庶咸以康寧

師古曰蒸衆庶人也

康安也

功德茂盛朕甚嘉之復其後世疇其爵邑

張晏曰律非始

封十減二疇者等也言不復減也師古曰復音方目反

世世毋有所與

師古曰與讀曰豫

功如蕭相國夏四月鳳皇集魯郡羣鳥從之

師古曰今流俗書本

此下云戊申立皇太子而後年又有立皇太子事此蓋以元紀云元帝二歲宣帝即位八歲為皇太子故後人妄於此書加之舊本無也據疏廣及丙吉傳並云地節三年立皇太子此即明驗而或者妄為臆說乖於實矣

大赦天下五月光祿大夫平丘侯王遷有罪下獄死上

始親政事又思報大將軍功德廼復使樂平侯山領尚

書事

師古曰霍山光之凡孫

而令羣臣得奏封事以知下情五日

一聽事自丞相以下各奉職奏事以傳奏其言

應劭曰敷陳也

各自奏陳其言然後試之以官考其功德也師古曰傳讀曰敷

考試功能侍中尚書功

勞當遷及有異善厚加賞賜至于子孫終不改易

師古曰言

各久其職事也○劉放曰至于子孫謂賞賜逮及子孫非謂侍中尚書官至于子孫不改易也

樞機周

密品式備具上下相安莫有苟且之意也

三年春三月詔曰蓋聞有功不賞有罪不誅雖唐虞猶

不能以化天下今膠東相成勞來不怠

師古曰王成也勞來者言慰勉

而招延之也小雅鴻鴈之詩序曰勞來流民自占八萬

餘口師古曰占者謂自隱度其戶治有異等師古曰政

等口而著名籍也占音之瞻反其秩成中二千石賜爵關內侯又曰鰥寡孤獨高年

貧困之民朕所憐也前下詔假公田貸種食師古曰貸

其加賜鰥寡孤獨高年帛二千石嚴教吏謹視遇毋令

失職師古曰職常也失職謂失其常業也令內郡國舉賢良方正可親民

者夏四月戊申立皇太子大赦天下賜御史大夫爵關

內侯中二千石爵右庶長張晏曰自公孫弘後丞相常

封列侯第二十等爵故賜御



史大夫爵闕內侯第十九等爵也右庶長第十一等爵也師古曰張說非也此以立皇太子國之大慶故特賜御史大夫及中二千石爵耳非常制也天下當為父後者爵一級賜廣陵

王黃金千斤諸侯王十五人黃金各百斤列侯在國者

八十七人黃金各二十斤冬十月詔曰廼者九月壬申

地震朕甚懼焉有能箴朕過失師古曰箴戒也及賢良方正直

言極諫之士以匡朕之不逮師古曰匡正也毋諱有司李奇曰諱避也

雖有司在顯職皆言其過勿避之朕既不德不能附遠是以邊境屯戍

未息今復飭兵重屯久勞百姓師古曰飭讀與勅同飭整也非所以

綏天下也其罷車騎將軍右將軍屯兵又詔池籩未御

幸者假與貧民

蘇林曰折竹以繩綿連禁禦使人不得往來律名為籩服處曰籩在池水中作

室可用棲鳥鳥入中則捕之應劭曰池者陂池也籩者禁苑也臣瓚曰籩者所以養鳥也設為籩落周覆其上令鳥不得出猶苑之畜獸池之畜魚也師古曰蘇應二說是郡國宮館勿復修治流

民還歸者假公田貸種食

師古曰貸音吐戴反種五穀種也音之勇反

且勿

算事

師古曰不出算賦及給徭役

十一月詔曰朕既不逮導民不明

師古曰不逮者意慮不及也

反側晨興念慮萬方不忘元元惟恐羞

先帝聖德

師古曰羞謂忝辱也

故竝舉賢良方正以親萬姓歷載

臻茲然而俗化闕焉

師古曰多歷年  
歲迄至于今

傳曰孝弟也者其

為仁之本與

師古曰論語載有  
若之言與讀曰予

其令郡國舉孝弟有行

義聞於鄉里者各一人十二月初置廷尉平四人秩六

百石省文山郡并蜀

師古曰以其  
縣道隸蜀郡

四年春二月封外祖母為博平君故鄴侯蕭何曾孫建

世為侯詔曰導民以孝則天下順今百姓或遭衰經凶

災

師古曰衰  
音千回反

而吏繇事使不得葬

師古曰繇讀曰  
徭事謂役使之

傷孝

子之心朕甚憐之自今諸有大父母父母喪者勿繇事

使得收斂送終盡其子道夏五月詔曰父子之親夫婦

之道天性也雖有患禍猶蒙死而存之

師古曰蒙冒也

誠愛結

於心仁厚之至也豈能違之哉自今子首匿父母妻匿

夫孫匿大父母皆勿坐

師古曰凡首匿者言為謀首而藏匿罪人

其父母匿

子夫匿妻大父母匿孫罪殊死皆上請廷尉以聞立廣

川惠王孫文為廣川王秋七月大司馬霍禹謀反詔曰

廼者東織室令史張赦

應劭曰舊時有東西織室織作文繡郊廟之服令史其主者史

使魏郡豪李竟

文穎曰有權勢豪右大家

報冠陽侯霍雲謀為大逆

如淳曰報白也師古曰此說非也謂張赦因李竟傳言於霍雲與共謀反耳非告白其罪也赦既為織室令史身在京師不須李竟發之據霍禹傳其事明矣朕以大將軍故抑而不揚冀其

自新今大司馬博陸侯禹與母宣成侯夫人顯及從昆

弟冠陽侯雲樂平侯山

師古曰據霍光傳雲山皆去病之孫則於禹為子行也今此紀

言從昆弟蓋傳寫者脫子字耳當言從昆弟子也

諸姊妹壻度遼將軍范明友

長信少府鄧廣漢中郎將任勝騎都尉趙平長安男子

馮殷等

晉灼曰漢語字子却

謀為大逆顯前又使女侍醫淳于衍

進藥殺共哀后

師古曰殺讀曰共讀曰恭

謀毒太子欲危宗廟逆

亂不道咸伏其辜諸為霍氏所誣誤未發覺在吏者皆

赦除之八月己酉皇后霍氏廢九月詔曰朕惟百姓失

職不贍遣使者循行郡國問民所疾苦

師古曰行音下更反

吏或

營私煩擾不顧厥咎朕甚閔之今年郡國頗被水災已

振貸

師古曰貸音吐戴反

鹽民之食而賈咸貴

師古曰賈讀曰價其下亦同

衆

庶重困

師古曰更增其困也重音直用反

其減天下鹽賈又曰令甲死

者不可生

文穎曰蕭何承秦法所作為律今律經是也天子詔所增損不在律上者為令令甲者前

帝第一令也如淳曰令有先後故有令甲令乙令丙刑

師古曰如說是也甲乙者若今之第一第二篇耳

者不可息

李斐曰息滅也若黜劓者雖欲改過其創痍不可復滅也師古曰息謂生長也言劓刑臠

割之徒不可更生長亦猶謂子為息耳李說非也

此先帝之所重而吏未稱

古師

曰稱副也

今繫者或以掠辜若飢寒瘐死獄中

蘇林曰瘐病也囚徒病律

名為瘐如淳曰律囚以飢寒而死曰瘐師古曰瘐病是也此言囚或以掠笞及飢寒及疾病而死如說非矣瘐

音庚字或作瘠其音亦同

何用心逆人道也朕甚痛之其令郡國歲

上繫囚以掠笞若瘐死者所坐名縣爵里

師古曰名其人縣所

屬縣也爵其身之官爵也里所居邑里也

丞相御史課殿最以聞

師古曰凡言殿最者

殿後也課居後也最凡要之首也課居先也殿音丁見反

十二月清河王年有罪廢

遷房陵

元康元年春以杜東原上為初陵更名杜縣為杜陵徙丞相將軍列侯吏二千石訾百萬者杜陵三月詔曰廼者鳳皇集泰山陳留甘露降未央宮朕未能章先帝休烈師古曰章明也休美也烈業也協寧百姓承天順地調序四時獲蒙

嘉瑞賜茲祉福夙夜兢兢靡有驕色內省匪解永惟罔

極師古曰省視也永長也惟思也罔無也極中也帝言內自視察不敢情怠長思政道恐無其中也解讀曰

懈書不云乎鳳皇來儀庶尹允諧

師古曰虞書益稷之篇曰蕭韶九成鳳皇



來儀擊石拊石百獸率舞庶尹允諧言奏樂之和鳳皇以其容儀來下百獸相率舞蹈是乃衆官之長信皆和輯故神其赦天下徒賜勤事吏中二千石以下至六百

石爵自中郎吏至五大夫

師古曰賜中郎吏爵得至五大夫自此以上每為等級而

高賜也五大夫第九爵也一曰二千石至五大夫自此以下而差降○劉攽曰爵自中郎吏文誤蓋本云自中更至五大夫傳者誤以更為吏遂衍出郎字與民爵不過公乘則賜吏爵自五大夫而上也以中二千石爵中更二千石亦當左更真比同千石當右庶長六百石則五大夫矣尋卒始元年詔文則知此說是

佐史

以上二級民一級女子百戶牛酒加賜鰥寡孤獨三老孝第力田帛所振貸勿收夏五月立皇考廟益奉明園

戶為奉明縣

師古曰奉明園即皇考史皇孫之所葬也本名廣明後追改也

復高皇帝

功臣絳侯周勃等百三十六人家子孫令奉祭祀

師古曰復

音方目反以下亦同

世世勿絕其毋嗣者復其次秋八月詔曰朕

不明六藝鬱于大道

孟康曰鬱不通也

是以陰陽風雨未時其

博舉吏民厥身修正通文學明於先王之術宣究其意

者各二人

師古曰究盡也

中二千石各一人

劉攽曰此詔是下丞相御史者故

云各二人下云中二千石各一人於文似少潤飾

冬置建章衛尉

二年春正月詔曰書云文王作罰刑茲無赦

師古曰周書康誥之

辭也言文王作法罰其有亂  
常違教者則刑之無赦釋也  
今吏修身奉法未有能稱

朕意朕甚愍焉其赦天下與士大夫屬精更始李斐曰

修身奉法矣但不能稱上意故赦之師古曰言文王作  
罰有犯之者皆刑無赦今我意有所閔閔吏修身奉法

矣而未稱其任故特赦之與更始耳李說非也○劉放  
曰言吏修身奉法未有能稱朕意故須赦也何則身不

修則不能率下法不奉則或阿枉如此則民坐罪者乃  
無辜安得如文王刑茲無赦也○劉放曰此詔正謂吏

未能修身奉法有稱上意者故特赦之與更始申儆之  
也顏李以意疑宣帝不當謂吏皆未修身奉法乃斷其

辭曲為釋解師古曰王二月乙丑立皇后王氏師古曰王賜丞相

以下至郎從官錢帛各有差三月以鳳皇甘露降集賜

天下吏爵二級民一級女子百戶牛酒鰥寡孤獨高年

帛夏五月詔曰獄者萬民之命所以禁暴止邪養育羣

生也能使生者不怨死者不恨則可謂文吏矣今則不

然用法或持巧心析律貳端深淺不平

師古曰析分也謂分破律條妄

生端緒以出入人罪增辭飾非以成其罪奏不如實上亦亡繇知

師古曰上者天子自謂也繇讀與由同此朕之不明吏之不稱四方黎民

將何仰哉二千石各察官屬勿用此人吏務平法或擅

興繇役飾厨傳稱過使客

韋昭曰厨謂飲食傳謂傳舍言修飾意氣以稱過使而已

師古曰使人及賓客來者稱其意而遣之令過去也稱音尺孕反過者過度之過也越職踰法以

取名譽譬猶踐薄冰以待白日豈不殆哉師古曰殆危也今天

下頗被疾疫之災朕甚愍之其令郡國被災甚者毋出

今年租賦又曰聞古天子之名難知而易諱也今百姓

多上書觸諱以犯罪者朕甚憐之其更諱詢諸觸諱在

令前者赦之師古曰今謂今詔書冬京兆尹趙廣漢有罪要斬

三年春以神爵數集泰山賜諸侯王丞相將軍列侯二

千石金郎從官帛各有差賜天下吏爵二級民一級女

子百戶牛酒鰥寡孤獨高年帛三月詔曰蓋聞象有罪

舜封之

應劭曰象者舜弟也日以殺舜為事舜為天子猶封之於有庠之國

骨肉之親桀

而不殊

師古曰桀明也殊絕也常明於仁恩不離絕也

其封故昌邑王賀為海

昏侯又曰朕微眇時御史大夫丙吉中郎將史魯史元

長樂衛尉許舜侍中光祿大夫許延壽皆與朕有舊恩

及故掖庭令張賀輔導朕躬修文學經術恩惠卓異厥

功茂焉詩不云乎無德不報

師古曰大雅抑之詩也言受人之德必有報也

封

賀所子弟子侍中中郎將彭祖為陽都侯

如淳曰賀張安世兄有一

子早死故以彭祖為子師古追賜賀諡曰陽都哀侯吉

曾元舜延壽皆為列侯故人下至郡邸獄復作師古曰謂胡組

趙徵卿之輩嘗有阿保之功臣瓚曰阿倚保養也皆受官祿田宅

財物各以恩深淺報之夏六月詔曰前年夏神爵集雍

晉灼曰漢注大如鷄爵黃喉白頸黑背腹斑文也師古曰鷄音晏今春五色鳥以萬數

飛過屬縣師古曰三輔諸縣也翱翔而舞欲集未下其令三輔毋

得以春夏摘巢探卵彈射飛鳥師古曰摘音佗狄反射音食亦反○宋祁曰南

本飛鳥下有具為今立皇子欽為淮陽王

四年春正月詔曰朕惟耆老之人髮齒墮落血氣衰微亦亡暴虐之心今或罹文法拘執囹圄不終天命朕甚

憐之自今以來諸年八十以上非誣告殺傷人佗皆勿

坐師古曰誣告人及殺傷人皆如舊法其餘則不論遣太中大夫彊等十二人

循行天下師古曰行音下吏反存問鰥寡覽觀風俗察吏治得失

舉茂材異倫之士二月河東霍徵史等謀反誅三月詔

曰廼者神爵五采以萬數集長樂未央北宮高寢甘泉

泰畤殿中及上林苑朕之不逮寡于德厚屢獲嘉祥非



朕之任其賜天下吏爵二級民一級女子百戶牛酒加

賜三老孝弟力田帛人二匹鰥寡孤獨各一匹秋八月

賜故右扶風尹翁歸子黃金百斤以奉其祭祀又賜功

臣適後黃金人二十斤

師古曰適讀曰嫡承嗣者也或子或孫不拘後裔故總言後也

丙寅大司馬衛將軍安世薨比年豐穀石五錢

師古曰比頻也

神爵元年

應劭曰前年神爵集于長樂宮故改元

春正月行幸甘泉郊泰

時三月行幸河東祠后土詔曰朕承宗廟戰戰栗栗惟

萬事統未燭厥理

師古曰惟思也統緒也燭照也

廼元康四年嘉穀玄

稷降于郟國

服虔曰玄稷黑粟也

神爵仍集

師古曰仍頻也

金芝九莖產

于函德殿銅池中

服虔曰金芝色像金也如淳曰函亦舍也銅池承雷也晉灼曰以銅作池

也師古曰函德殿名也銅池承雷是也以銅為之函讀與舍同

九真獻奇獸

蘇林曰白象也晉灼

曰漢注駒形麟色牛角仁而愛人師古曰非白象也晉說是矣

南郡獲白虎威鳳為寶

服虔曰威鳳鳥名也晉灼曰鳳之有威儀者也與尚書鳳皇來儀同意師古曰晉說是

朕之不明

震于珍物

服虔曰震驚也蘇林曰震動也珍物瑞應也師古曰蘇說是也獲珍物而心感動也

躬齋精祈為百姓

師古曰飭與勅同為音于偽反

東濟大河天氣清靜

神魚舞河幸萬歲宮神爵翔集

服虔曰萬歲宮在東郡平陽縣今有津晉灼曰

黃圖汾陰有萬歲宮是時  
幸河東師古曰晉說是  
朕之不德懼不能任其以五

年為神爵元年賜天下勤事吏爵二級民一級女子百

戶牛酒鰥寡孤獨高年帛所振貸物勿收行所過毋出

田租西羌反發三輔中都官徒弛刑李奇曰弛廢也謂若今徒解鉗鉤釧

衣置任輸作也師古曰中都官京師諸官府也漢儀注  
長安中諸官獄三十六所弛刑李說是也若今徒囚但

不加鎖而責保散役及應募攸飛射士服虔曰周時度江越人在船下

之耳弛音式爾反負船將覆之攸飛入水殺之漢因以材力名官如淳曰

呂氏春秋荆有茲非得寶劔於干將渡江中流兩蛟繞  
舟茲非拔寶劔赴江刺兩蛟殺之荆王聞之任以執圭

後世以為勇力之官茲攸音相近臣瓚曰本秦左弋官

也武帝改曰攸飛官有一令九丞在上林苑中結繒繳以弋鳧鴈歲萬頭以供祀宗廟許慎曰攸便利也便利繒繳以弋鳧鴈故曰攸飛詩曰挾拾既攸者也師古曰取古勇力人以名官熊渠之類是也亦因取其便利輕疾若飛故號攸飛弋鳧鴈事自使攸飛羽林孤兒應劭為之非取飛鳥為名瓚說失之攸音次羽林孤兒曰天有羽林大將軍之星林喻若林木之盛羽羽翼擊之意故以名武官馬如淳曰百官表取從軍死事者之子養羽林官教以五兵號曰羽林孤兒少壯令從軍漢儀注羽林從官七百人

胡越騎三河潁

川沛郡淮陽汝南材官金城隴西天水安定北地上郡

騎士羌騎詣金城夏四月遣後將軍趙克國彊弩將軍

許延壽擊西羌六月有星孛于東方即拜酒泉太守辛

武賢為破羌將軍

師古曰即就也就酒泉而拜之不徵入

與兩將軍並進

師古曰兩將軍即趙克國許延壽

詔曰軍旅暴露轉輸煩勞其令諸侯

王列侯蠻夷王侯君長當朝二年者皆毋朝

師古曰朝來年之正

月秋賜故大司農朱邑子黃金百斤以奉祭祀後將軍

克國言屯田之計語在克國傳

二年春二月詔曰廼者正月乙丑鳳皇甘露降集京師

羣鳥從以萬數朕之不德屢獲天福祇事不怠其赦天

下夏五月羌虜降服斬其首惡大豪楊玉苗非首

文頴曰羌

胡名大帥為酋如中國言魁非首其名也如淳曰酋音酒醕熟師古曰文說失矣酋者自其魁帥之稱而此酋

不當其義也蓋首惡者唱首為惡也大豪者魁帥也楊玉及酋非皆人名言斬此二人之首級耳既已言大豪

不當重言酋且趙克國傳又云酋非楊玉首此其明驗也酋音才由反○宋祁曰予按醕非字當為音酒酋熟

鄭注月令置金城屬國以處降羌秋匈奴日逐王先賢酒孰曰酋

揮鄭氏曰揮音纏束之纏晉灼曰音田師古曰鄭音是也將人衆萬餘來降使都

護西域騎都尉鄭吉迎日逐破車師皆封列侯九月司

隸校尉蓋寬饒有罪下有司自殺匈奴單于遣名王奉

獻師古曰名王者謂有賀正月始和親師古曰賀來

大名以別諸小王也

歲之正月

三年春起樂游苑

師古曰三輔黃圖云在杜陵西北又闕中記云宣帝立廟於曲池之北號

樂游案其處則今之所呼樂游廟者是也其餘基尚可識焉蓋本為苑後因立廟乎樂音來各反

三月

丙午丞相相薨

師古曰魏相

秋八月詔曰吏不廉平則治道

衰今小吏皆勤事而奉祿薄

師古曰奉音扶用反其下亦同

欲其毋侵

漁百姓難矣

如淳曰漁奪也謂奪其利便也晉灼曰許慎云捕魚之字也師古曰漁者若言漁獵

也晉說是也

其益吏百石以下奉十五

如淳曰律百石奉月六百韋昭曰若食一

斛則益五斗○宋祁曰刊誤據後漢志及師古百官表注當云律百石奉月十六斛

四年春二月詔曰廼者鳳皇甘露降集京師嘉瑞並見

修興泰一五帝后土之祠祈為百姓蒙祉福

師古曰為音于偽反

鸞鳳萬舉蜚覽翔翔集止于旁

師古曰萬舉猶言舉以萬數也蜚古飛字也言

鸞鳳飛翔覽觀都邑也

齋戒之暮神光顯著薦屯之夕神光交錯

師古曰屯香酒所以祭神

或降于天或登于地或從四方來集于壇

上帝嘉嚮海內承福

師古曰嚮讀曰饗

其赦天下賜民爵一級

女子百戶牛酒鰥寡孤獨高年帛夏四月潁川太守黃

霸以治行尤異秩中二千石

如淳曰太守雖號二千石有千石八百石居者有功

德茂異乃得滿秩霸得中二千石九卿秩也晉灼曰此直謂二千石增秩為中二千石耳不謂滿不滿也師古



曰如說非也霸舊已二千石矣今增為中二千石以寵異之此與地節三年增膠東相王成秩其事同耳漢制秩二千石者一歲得一千四百四十石實不滿二千石也其云中二千石者一歲得二千一百六十石舉成數言之故曰中二千石中者滿也賜爵關內侯黃金百斤及潁川吏民有

行義者爵人二級力田一級貞婦順女帛令內郡國舉

賢良可親民者各一人五月匈奴單于遣弟呼留若王

勝之來朝師古曰呼留若者王之號也勝之其人名冬十月鳳皇十一集杜

陵十一月河南太守嚴延年有罪弃市十二月鳳皇集

上林

五鳳元年

應劭曰先者鳳皇五至因以改元云

春正月行幸甘泉郊泰畤

皇太子冠皇太后賜丞相將軍列侯中二千石帛人百

匹太夫人八十匹

○宋祁曰一本作夫丁八十匹

夫人六十匹

○宋祁曰一本

無此五字

又賜列侯嗣子爵五大夫男子為父後者爵一級

夏赦徒作杜陵者冬十二月乙酉朔日有蝕之左馮翊

韓延壽有罪弃市

二年春三月行幸雍祠五畤夏四月己丑大司馬車騎

將軍增薨

師古曰韓增

秋八月詔曰夫婚姻之禮人倫之大

者也酒食之會所以行禮樂也

○劉敞曰多樂字○陽夏公曰古語多此類非

也

行字今郡國二千石或擅為苛禁禁民嫁娶不得具酒

食相賀召由是廢鄉黨之禮令民亡所樂非所以導民

也詩不云乎民之失德乾餱以愆

師古曰小雅伐木之詩也餱食也愆過也

言人無恩德不相飲食則闕乾餱之事為過惡也乾音干餱音侯勿行苛政冬十一月

匈奴呼遼累單于帥眾來降

師古曰遼古速字累音力追反

封為列侯

十二月平通侯楊惲

師古曰惲音於叻反

坐前為光祿勳有罪免

為庶人不悔過怨望大逆不道要斬

三年春正月癸卯丞相吉薨師古曰丙吉也三月行幸河東祠

后土詔曰往者匈奴數為邊寇百姓被其害朕承至尊

未能綏安匈奴虛閭權渠單于請求和親病死右賢王

屠耆堂代立骨肉大臣立虛閭權渠單于子為呼韓邪

單于擊殺屠耆堂諸王並自立分為五單于更相攻擊

師古曰更死者以萬數畜產大耗什八九師古曰耗損也言十損其

音工衛反八九也耗音呼到反人民飢餓相燔燒以求食師古曰燔焚也音扶元反因大

乖亂單于闕氏服虔曰闕氏音馬支子孫昆弟及呼遼累單于名

王右伊秩訾且渠當戶以下

師古曰伊秩訾且渠當戶皆匈奴官號也訾音子移

反且音子余反

將衆五萬餘人來降歸義單于稱臣使弟奉珍

朝賀正月北邊晏然靡有兵革之事朕飭躬齊戒

師古曰飭

與勅同

郊上帝祠后土神光竝見或興于谷燭耀齋宮十

有餘刻

師古曰燭亦照也刻者以漏言時也

甘露降神爵集已詔有司告

祠上帝宗廟三月辛丑鸞鳳又集長樂宮東闕中樹上

張晏曰門外闕內衛馬之裏樹也

飛下止地文章五色留十餘刻吏民

並觀朕之不敏懼不能任婁蒙嘉瑞獲茲祉福

師古曰婁古屢

字書不云乎雖休勿休祇事不怠

師古曰周書呂刑之辭言雖見褒美勿自

以為有德美當敬於事無怠惰也

公卿大夫其勗焉

師古曰勗勉也減天下口

錢赦殊死以下賜民爵一級女子百戶牛酒大酺五日

加賜鰥寡孤獨高年帛置西河北地屬國以處匈奴降

者

四年春正月廣陵王胥有罪自殺匈奴單于稱臣遣弟

谷蠡王入侍

服虔曰谷音鹿韋昭曰蠡音如鹿反師古曰谷服音是也蠡音洛奚反

以邊

塞亡寇減戍卒什二大司農中丞耿壽昌奏設常平倉

以給北邊

應劭曰壽昌奏令邊郡穀賤時增價而糶省穀貴時減價而糶名曰常平倉見食貨志

轉漕賜爵關內侯夏四月辛丑晦日有蝕之詔曰皇天

見異以戒朕躬是朕之不逮吏之不稱也

師古曰以前稱副也

使使者問民所疾苦復遣丞相御史掾二十四人循行

天下

師古曰行音下更反

舉寃獄察擅為苛禁深刻不改者

甘露元年春正月行幸甘泉郊泰畤匈奴呼韓邪單于

遣子右賢王銖婁渠堂入侍

師古曰銖音殊婁音力于反

二月丁巳

大司馬車騎將軍延壽薨

文穎曰許延壽

夏四月黃龍見新豐

丙申太上皇廟火甲辰孝文廟火上素服五日冬匈奴  
單于遣弟左賢王來朝賀

二年春正月立皇子囂為定陶王

師古白  
囂音教

詔曰廼者鳳

皇甘露降集黃龍登輿醴泉滂流枯槁榮茂

師古曰槁  
音口老反

神光並見咸受禎祥

師古曰禎正也  
祥福也禎音貞

其赦天下減民算

三十

師古曰一算  
減錢三十也

賜諸侯王丞相將軍列侯中二千石

金錢各有差賜民爵一級女子百戶牛酒鰥寡孤獨高

年帛夏四月遣護軍都尉祿將兵擊珠崖秋九月立皇



子宇為東平王冬十二月行幸萑陽宮

應劭曰宮在鄆秦文王所起伏

儼曰在扶風李斐曰萑音倍師古曰應說李音是也

屬玉觀

服虔曰以玉飾因名焉在扶風李奇曰屬

玉音鶩鶩其上有此鳥因以為名晉灼曰屬玉水鳥似鵝鵠以名觀也師古曰晉灼是也屬音之欲反

匈

奴呼韓邪單于款五原塞

師古曰款叩也

願奉國珍朝三年正

月

師古曰欲於甘露三年正月行朝禮

詔有司議咸曰聖王之制施德行

禮先京師而後諸夏先諸夏而後夷狄詩云率禮不越

遂視既發相土烈烈海外有截

文穎曰遂徧也發行也言契能使其民率禮不

越法度徧承視其教令奉順而行也相土契孫也烈烈威也截整齊也威武之盛烈烈然四海之外率服整齊

也師古曰此商頌長發之詩

陛下聖德克塞天地光被四表

師古曰四表四

方之外也

匈奴單于鄉風慕義

師古曰鄉讀曰嚮

舉國同心奉珍朝

賀自古未之有也單于非正朔所加王者所客也禮儀

宜如諸侯王稱臣昧死再拜位次諸侯王下詔曰蓋聞

五帝三王禮所不施不及以政

師古曰言荒外之人非禮所設者政刑亦不及

今匈奴單于稱北藩臣朝正月朕之不逮德不能弘覆

其以客禮待之位在諸侯王上

三年春正月行幸甘泉郊泰畤匈奴呼韓邪單于稽侯

柵來朝

應幼曰柵音若訕李奇曰柵音山師古曰稽音古奚反柵音剛又音先安反

贊謁稱

藩臣而不名賜以璽綬冠帶衣裳安車駟馬黃金錦繡

繒絮使有司道單于

師古曰道讀曰導導引也

先行就邸長安宿長

平上自甘泉宿池陽宮上登長平阪

如淳曰阪名也在池陽南上原之阪

有長平觀去長安五十里師古曰涇水之南原即今所謂畦城阪也

詔單于毋謁

師古曰不拜見

也其左右當戶之羣皆列觀

孟康曰左右當戶匈奴官名

蠻夷君長

王侯迎者數萬人夾道陳上登渭橋咸稱萬歲單于就

邸置酒建章宮饗賜單于觀以珍寶

師古曰觀示也

二月單于

罷歸遣長樂衛尉高昌侯忠晉灼曰功臣表董忠車騎都尉昌晉灼

曰韓昌騎都尉虎文穎曰不知姓晉灼曰百官表唯記三輔郡以上若此皆不見姓無從知之

將萬六千騎送單于單于居幕南保光祿城孟康曰前光祿徐自

為所築城詔北邊振穀食邾支單于遠遁師古曰邾音質匈奴遂定

詔曰廼者鳳皇集新蔡羣鳥四面行列皆鄉鳳皇立以

萬數師古曰行音胡郎反鄉讀曰嚮其賜汝南太守帛百匹新蔡長吏

三老孝弟力田鰥寡孤獨各有差賜民爵二級毋出今

年租三月巳丑丞相霸文穎曰黃霸詔諸儒講五經同異

太子太傅蕭望之等平奏其議上親稱制臨決焉廼立

梁丘易大小夏侯尚書穀梁春秋博士冬烏孫公主來

歸

應劭曰楚王女解憂

四年夏廣川王海陽有罪廢遷房陵冬十月丁卯未央

宮宣室閣火

黃龍元年

應劭曰先是黃龍見新豐因以冠元馬師古曰漢注云此年二月黃龍見廣漢郡故改年

然則應說非也見新豐者於此五載矣○劉歆曰案宣帝率四年改元而郊祀志先言改元甘露其夏黃龍見新豐其下乃云後間歲改元黃龍然後又云正月復幸甘泉然則宣帝自追用五年前黃龍改元爾若是年黃

龍見史官焉得不書漢注未可據也

春正月行幸甘泉郊泰畤匈奴呼韓

邪單于來朝禮賜如初二月單于歸國詔曰蓋聞上古

之治君臣同心舉措曲直各得其所

師古曰措置也音千故反

是以

上下和洽海內康平其德弗可及已

師古曰已語終辭

朕既不

明數申詔公卿大夫務行寬大

師古曰申束也謂約束之

順民所疾

苦

師古曰知所疾苦則順其意也

將欲配三王之隆明先帝之德也今

吏或以不禁姦邪為寬大縱釋有罪為不苛或以酷惡

為賢皆失其中

師古曰中音竹仲反

奉詔宣化如此豈不繆哉方

今天下少事繇役省減兵革不動而民多貧盜賊不止

其咎安在上計簿具文而已

師古曰雖有其文而實不副也簿音步戶反其下亦

同務為欺謾以避其課

師古曰謾誑言也音慢又音莫連反

三公不以為

意朕將何任

師古曰言無所委任

諸請詔省卒徒自給者皆止

幼應

曰時有請云詔使出者省卒徒以其直自給不復取稟假雖有進入於官非舊章也故絕之張晏曰先是武帝以用度不足宜有以益官者或奉使求不受奉祿自省其徒眾以取其稟者或自給於是姦吏緣以為利所得多於本祿故絕之如淳曰是時有所省卒徒而羣臣有請之以自給官府者先時聽與之今更悔之不復聽也

師古曰應張二說是也

御史察計簿疑非實者按之使真偽毋相

亂三月有星孛于王良閣道入紫宮

蘇林曰皆星名

夏四月詔

曰舉廉吏誠欲得其真也吏六百石位大夫有罪先請

秩祿上通足以效其賢材自今以來毋得舉

韋昭曰吏六百石者

不得復舉為廉吏也

冬十二月甲戌帝崩于未央宮

臣瓚曰帝年十八即位即

位二十五年壽四十三

癸巳尊皇太后曰太皇太后

師古曰於此已書尊太皇

太后而元紀之首又重書之然尊太皇太后及皇太后宜同一時則元紀為是而此紀誤重之

贊曰孝宣之治信賞必罰

師古曰有功必賞有罪必罰

綜核名實政

事文學法理之士咸精其能至于技巧工匠器械自元



成間鮮能及之

師古曰械者器之總名也一曰有威為械無威為器鮮少也言少有能及之者

鮮音先踐反

亦足以知吏稱其職民安其業也遭值匈奴乖

亂推亡固存

李奇曰推亡者若紂為無道天下苦之有滅亡之形周武遂推而敝之固存者譬如

鄰國以道涖民上下一心勢必能存因就而堅固之今匈奴內自奮爭有事故宣帝能朝呼韓邪而固存之走邾支單于使遠遁是謂推亡也師古曰尚書仲虺之誥曰推亡固存邦乃其昌言有亡道者則推而滅之有存道者則輔而固之王者如信威北夷師古曰信讀為申此國乃昌盛故此贊引之古通用字一說思

信及威並著北夷

單于慕義稽首稱藩功光祖宗業垂後嗣可

謂中興侔德殷宗周宣矣

師古曰侔等殷之高宗及周宣王也

前漢書卷八

前漢書卷八考證

宣帝紀內謁者令郭穰注○劉攽曰謁字衍○臣召南  
按丙吉傳亦作內謁者未必兩文並訛且據百官表  
謁者署與內者署並屬少府謁字或非衍也

皇太后歸長樂宮○胡三省曰漢太后常居長樂宮皇  
太后自昌邑之廢居未央宮今宣帝既立復居長樂  
宮也

自左更至五大夫○劉攽曰緣王即位九侯率已為關

內侯矣

臣召南

按兩句俱有訛字宣帝以庶人封侯

即帝位並未為王也九侯二字尤不可解據前文自

田廣明以下新封五侯而已以文義推之應作緣帝

即位九卿率已為關內侯即指上文之右扶風德興

屬國武廷尉光宗正德大鴻臚賢等也

秋七月詔立燕刺王太子建為廣陽王云云○

臣召南

按封廣陽王表作五月封廣陵王表作十月

下有司皆自殺注田千秋子也○

臣召南

按廣明與順

皆姓田而順則千秋子也句上應有順字各本俱誤  
脫耳

鳳皇集魯郡○臣召南按魯是時尚為國不得稱郡通  
鑑但云集魯可謂至慎

其罷車騎將軍右將軍屯兵○臣召南按此罷兩將軍  
之屯兵非罷將軍官也是時車騎將軍為張安世右  
將軍為霍禹帝此舉以收霍氏權柄耳

復高皇帝功臣云云○通鑑考異曰功臣表詔復家者

皆云元康四年其數非一不容盡訛蓋紀訛耳

其益吏百石以下奉十五○通鑑考異曰荀悅漢紀云益吏百石以下俸五十斛蓋以十五難曉故改之然詔云以下恐難指五十斛也

平通侯楊惲坐前為光祿勳云云○臣召南按惲之死在四年此時但與戴長樂相告免官耳通鑑考異已辨此條之誤

丙申太上皇廟火甲辰孝文廟火○臣照按兩火字並

應是灾字左傳曰火人火之也倘係人火之必記事  
實故知並是灾字之訛四年未央宮宣室閣火亦然  
遣護軍都尉祿將兵擊珠崖○珠崖前後文俱作厓

前漢書卷八考證



欽定四庫全書

前漢書卷九

漢 蘭 臺 令 史班 固撰

唐正議大夫行秘書少監琅邪縣開國子顏師古注

元帝紀第九

孝元皇帝

荀悅曰諱奭之字曰盛應劭曰謚法行義悅民曰元師古曰奭音式亦反

宣帝太

子也母曰共哀許皇后

張晏曰禮婦人從夫謚閔其見殺故諡二謚師古曰共讀曰恭

宣帝微時生民間年二歲宣帝即位八歲立為太子

師古

曰宣帝即位之明年改元曰本始本始凡四年而改元  
曰地節地節三年立皇太子若初即位年二歲則立為  
太子時年九歲矣又宣帝以元平元年七月即位而外  
戚傳云許后生元帝數月宣帝立為帝是則即位時太  
子未必二歲也參校前後衆文此紀進退為錯○劉歆  
曰此言年二歲宣帝即位指論踰年改元為即位耳若  
春秋諸公也

壯大柔仁好儒見宣帝所用多文法吏以刑名

繩下

晉灼曰刑名家也太史公曰法家嚴而少  
恩名家儉而善失真師古曰晉說非也劉向別錄

云申子學號刑名刑名者以名責實尊君卑臣  
崇上抑下宣帝好觀其君臣篇繩謂彈治之耳大臣楊

惲蓋寬饒等坐刺譏辭語為罪而誅

師古曰惲音於吻反

嘗侍燕

從容言

師古曰從音千容反

陛下持刑太深宜用儒生宣帝作色

曰師古曰作動也漢家自有制度本以霸王道雜之奈

何純任德教用周政乎師古曰姬周之政且俗儒不達時宜好

是古非今使人眩於名實師古曰眩亂視也音胡眇反不知所守何

足委任廼歎曰亂我家者太子也繇是疏太子而愛淮

陽王師古曰繇讀與由同曰淮陽王明察好法宜為吾子而王母

張僂仔尤幸上有意欲用淮陽王代太子然以少依許

氏俱從微起故終不背焉黃龍元年十二月宣帝崩癸

巳太子即皇帝位謁高廟尊皇太后曰太皇太后蘇林曰上

官 后 皇后曰皇太后

文頴曰 卬成王皇 后母養元帝者也

初元元年春正月辛丑孝宣皇帝葬杜陵

臣瓚曰 自崩 至葬凡二十

八日 杜陵在長 安南五十里也

賜諸侯王公主列侯黃金

○宋祁曰 古 本無黃字

吏二千石以下錢帛各有差大赦天下三月封皇太后

兄侍中中郎將王舜為安平侯丙午立皇后王氏以三

輔太常郡國公田及苑可省者振業貧民

師古曰 振起 之今有作業

賢不滿千錢者賦貸種食

師古曰 賦給與之也 貸假也 貸音土 載反 種音之 勇反

封外祖父平恩戴侯同產弟子中常侍許嘉為平恩侯

奉戴侯後

文頴曰戴侯許廣漢

夏四月詔曰朕承先帝之聖緒獲

奉宗廟戰戰兢兢

○宋祁曰唐本作粟粟

間者地數動而未靜懼

於天地之戒不知所繇

師古曰繇與由同

方田作時朕憂蒸庶

之失業

師古曰蒸衆也

臨遣光祿大夫褒等十二人

應劭曰自臨面約勅

乃遣

循行天下

師古曰行音下更反

存問耆老鰥寡孤獨困乏失

職之民

師古曰失職失其常業

延登賢俊招顯側陋因覽風俗之

化相守二千石誠能正躬勞力

師古曰相者諸侯王相也守郡守也

宣明

教化以親萬姓則六合之內和親庶幾虜無憂矣書不

云乎股肱良哉庶事康哉

師古曰虞書益稷之辭也言君能任賢股肱之臣皆得良

善則衆事安寧

布告天下使明知朕意又曰關東今年穀不登

民多困乏其令郡國被災害甚者毋出租賦江海陂湖

園池屬少府者以假貧民

師古曰湖深水

勿租賦賜宗室有屬

籍者馬一匹至二匹

師古曰二匹

三老孝者帛五匹弟者

力田三匹鰥寡孤獨二匹吏民五十戶牛酒

師古曰以五十戶為

率共賜之

六月以民疾疫令大官損膳減樂府員省苑馬以

振困乏秋八月上郡屬國降胡萬餘人亡入匈奴九月

關東郡國十一大水饑或人相食轉旁郡錢穀以相救

詔曰間者陰陽不調黎民饑寒無以保治

師古曰保安也

惟德

淺薄不足以充入舊貫之居

應劭曰言已德淺薄不足以充舊貫舊貫者常居也

師古曰論語稱閔子騫云仍舊貫帝自謙不足充入先帝之宮室故引以為言

其令諸宮館希

御幸者勿繕治

師古曰繕補也

太僕減穀食馬水衡省肉食獸

師古曰減謂損其數省者全去之

二年春正月行幸甘泉郊泰畤賜雲陽民爵一級女子百戶牛酒立弟竟為清河王三月立廣陵厲王太子霸

為王詔罷黃門乘輿狗馬

師古曰黃門近署也故親幸之物屬焉

水衡禁

園宜春下苑

孟康曰宮名也在杜縣東晉灼曰史記云葬二世杜南宜春苑中師古曰宜春下苑

即今京城東南隅曲江池是

少府攸飛外池

如淳曰漢儀注攸飛具樽繳以射鳧鴈給祭祀

是故有

嚴籓池田

蘇林曰嚴飾池上之屋及其地也晉灼曰嚴籓射苑也許慎曰嚴弋射者

所蔽也池田苑中田也師古曰晉說是

假與貧民詔曰蓋聞賢聖在位陰

陽和風雨時日月光星辰靜黎庶康寧考終厥命

師古曰考

老也言得壽考終其天命

今朕恭承天地託于公侯之上明不能燭

德不能綏災異竝臻連年不息乃二月戊午地震于隴



西郡毀落太上皇廟殿辟木飾壞敗礪道縣城郭官寺

及民室屋壓殺人衆

師古曰礪道屬天水凡府廡所在皆謂之寺礪音完壓音烏狎反

山崩地裂水泉涌出天惟降災震驚朕師師古曰師衆也治有

大虧咎至於斯夙夜兢兢不通大變深惟鬱悼未知其

序

師古曰鬱不通之意也序次也

間者歲數不登元元困乏不勝饑寒

以陷刑辟朕甚閔之郡國被地動災甚者無出租賦赦

天下有可蠲除減省以便萬姓者條奏毋有所諱丞相

御史中二千石舉茂材異等直言極諫之士朕將親覽

馬夏四月丁巳立皇太子賜御史大夫爵關內侯中二

千石右庶長

師古曰第十一爵

天下當為父後者爵一級列侯

錢各二十萬五大夫十萬

師古曰五大夫第九爵

六月關東饑齊

地人相食秋七月詔曰歲比災害民有菜色

師古曰五穀不收人

但食菜故其顏色變惡

慘怛於心

師古曰慘痛也怛悼也

已詔吏虛倉廩開

府庫振救賜寒者衣今秋禾麥頗傷一年中地再動北

海水溢流殺人民陰陽不和其咎安在公卿將何以憂

之其悉意陳朕過靡有所諱

師古曰悉意盡意也靡無也

冬詔曰國

之將興尊師而重傳故前將軍望之傳朕八年道以經

書厥功茂焉

師古曰茂美也道讀曰導

其賜爵關內侯食邑八百戶

朝朔望十二月中書令弘恭石顯等譖望之令自殺

三年春令諸侯相位在郡守下

師古曰此諸侯謂諸侯王也

珠厓郡

山南縣反博謀羣臣待詔賈捐之以為宜棄珠厓救民

饑饉

師古曰穀不熟為饑蔬不熟為饉蔬菜也

乃罷珠厓夏四月乙未晦茂

陵白鶴館災詔曰迺者火災降於孝武園館朕戰栗恐

懼不燭變異咎在朕躬

師古曰燭照也

羣司又未肯極言朕過

以至於斯將何以寤焉百姓仍遭凶阨無以相振

師曰仍

也頻加以煩擾虐苛吏拘牽乎微文不得永終性命

師曰永

也長朕甚閔焉其赦天下夏旱立長沙煬王弟宗為王

師曰永

曰煬音供養之養

封故海昏侯賀子代宗為侯六月詔曰蓋聞

安民之道本繇陰陽

師古曰繇與由同

間者陰陽錯謬風雨不

時朕之不德庶幾羣公有敢言朕之過者今則不然媮

合苟從未肯極言

師古曰媮與偷同

朕甚閔焉永惟蒸庶之饑

寒

○宋初曰一本無永字

遠離父母妻子勞於非業之作衛於不

居之宮

師古曰不急之事  
事故云非業也

恐非所以佐陰陽之道也其罷

甘泉建章宮衛令就農

○宋祁曰唐本監本  
衛字下有各字

百官各省費

師古曰費用之物  
務減省

條奏毋有所諱有司勉之毋犯四時之禁

丞相御史舉天下明陰陽災異者各三人於是言事者

衆或進擢召見人人自以得上意

師古曰人人各自以當天子之意○宋祁

曰人人南本只  
只一个人字

四年春正月行幸甘泉郊泰畤三月行幸河東祠后土

赦汾陰徒賜民爵一級女子百戶牛酒鰥寡高年帛行

所過無出租賦

五年春正月以周子南君為周承休侯

文穎曰姓姬名延年其祖父姬

嘉本周後武帝元鼎四年封為周子南君令奉周祀師古曰承休國在潁川

位次諸侯王三

月行幸雍祠五時夏四月有星孛于參詔曰朕之不逮

序位不明

師古曰逮及也言官人之位失其次序

衆僚久慮

應劭曰慮音曠師古曰慮

古曠字曠空也不得其人則職事空廢

未得其人元元失望上感皇天陰

陽為變咎流萬民朕甚懼之廼者關東連遭災害饑寒

疾疫天不終命

○宋祁曰刊謨改天作天

詩不云乎凡民有喪匍匐

救之

師古曰邶國谷風之詩也言見人有喪禍之事則當盡力以救之音步扶反音步得反

令大官毋日殺

師古曰不得日日宰殺

所具各減半

師古曰乘與食具也

秣馬無乏正事而已

師古曰秣養也以粟秣食之也正事謂駕供郊祀蒐狩之事非苻田

者也秣音末

罷角抵上林宮館希御幸者齊三服官

李斐曰齊國舊

有三服之官春獻冠幘情縱為首服紈素為冬服輕綃為夏服凡三如淳曰地理志曰齊冠帶天下胡公曰服官

主作文繡以給袞龍之服地理志云袞邑亦有服官師古曰齊三服官李說是也縱與纒同音山爾反即今之

方目縗也紈素今之絹也輕綃今之北假田官李斐曰輕縗也袞邑自出文繡非齊三服也

見官田與民收其假稅也故置田農之官晉灼曰匈奴傳秦始皇渡河據陽山北假中王莽傳五原北假膏壤

殖穀北假地名師古曰晉說是也  
○宋祁曰田官一本作官田非  
鹽鐵官常平倉博士

弟子毋置員以廣學者賜宗室子有屬籍者馬一匹至

二駟三老孝者帛人五匹弟者力田三匹鰥寡孤獨二

匹吏民五十戶牛酒省刑罰七十餘事除光祿大夫以

下至郎中保父母同產之令  
應劭曰舊時相保一人有過皆當坐之師古曰特為

郎中以上除此令者所以優之也同產謂兄弟也  
令從官給事官司馬中者得

為大父母父母兄弟通籍  
應劭曰從官謂宦者及虎賁羽林太醫太官是也司馬中

者宮內門也司馬主武兵禁之意也籍者為二尺竹牒記其年紀名字物色縣之宮門案省相應乃得入也師



古曰應說非也從官親近天子常侍從者皆是也故此  
下云科第郎從官司馬門者宮之外門也衛尉有八屯

衛侯司馬主衛士微巡宿衛每面各  
二司馬故謂宮之外門為司馬門 冬十二月丁未御

史大夫貢禹卒衛司馬谷吉使匈奴不還師古曰即衛尉八屯之衛

馬司

永光元年春正月行幸甘泉郊泰畤赦雲陽徒賜民爵

一級女子百戶牛酒高年帛行所過毋出租賦○宋祁曰舊本

作毋令出租賦二月詔丞相御史舉質樸敦厚遜讓有行者光

祿歲以此科第郎從官師古曰始令丞相御史舉此四科人以擢用之而見在郎及從

官又令光祿每歲依此科考校定其第高下用知其人賢否也三月詔曰五帝三王任

賢使能以登至平而今不治者豈斯民異哉師古曰言今所治人

即五帝三王之衆庶咎在朕之不明亡以知賢也是故壬人在位

服虔曰壬人佞人也而吉士雍蔽師古曰吉善也大雅卷河之詩曰藹藹王多吉士雍讀曰壅

重以周秦之敝民漸薄俗師古曰為薄俗所漸染也重音直用反去禮義

觸刑法豈不哀哉繇此觀之元元何辜師古曰繇讀與由同其赦

天下令厲精自新各務農畝無田者皆假之貸種食如

貧民師古曰此皆謂遇赦新免罪者也故云如貧民賜吏六百石以上爵五大

夫勤事吏二級為父後者民一級

○宋祁曰越本無為父後者四字

女

子百戶牛酒鰥寡孤獨高年帛是月雨雪

師古曰雨音于其反

隕

霜傷麥稼秋罷

如淳曰當言罷某官某事爛脫失之晉灼曰或無稼字或稼字在秋下稼或作

桑或作霖五行志永光元年三月隕霜殺桑九月二日隕霜殺稼天下大饑言傷麥稼秋罷是也師古曰晉說得之秋者謂秋時所收穀稼也今俗猶謂麥豆之屬為雜稼云秋罷者言至秋時無所收也○劉攽曰如言爛

是脫

二年春二月詔曰蓋聞唐虞象刑而民不犯

師古曰象刑解在武

紀 殷周法行而姦軌服

師古曰軌與究同亂在外曰姦在內曰軌○宋祁曰法行唐本

法作行

今朕獲承高祖之洪業

○宋祁曰一本無洪字

託位公侯之

上夙夜戰栗永惟百姓之急未嘗有忘焉然而陰陽未

調三光曖昧

師古曰曖與暗同又音烏感反

元元大困流散道路盜賊

竝興有司又長殘賊失牧民之術是皆朕之不明政有

所虧咎至於此朕甚自耻為民父母若是之薄謂百姓

何

師古曰言何

其大赦天下賜民爵一級女子百戶牛

酒鰥寡孤獨高年三老孝弟力田帛又賜諸侯王公主

列侯黃金中二千石以下至中都官長吏各有差吏六

百石以上爵五大夫勤事吏各二級三月壬戌朔日有

蝕之詔曰朕戰戰栗栗夙夜思過失不敢荒寧

師古曰荒廢也

不敢廢事而自寧

惟陰陽不調未燭其咎婁敕公卿日望有效

師古曰婁古屨字其後亦同

至今有司執政未得其中

師古曰中音竹仲反施

與禁切未合民心

師古曰施惠福薄禁令煩苛

暴猛之俗彌長和睦

之道日衰百姓愁苦靡所錯躬

師古曰錯置也音千故反

是以氛邪

歲增侵犯太陽

師古曰氛惡氣也邪者言非正氣也太陽日也

正氣湛掩日久

奪光

師古曰湛讀與沈同湛掩者見掩而湛沒

迺壬戌日有蝕之天見大異

以戒朕躬

師古曰見顯示

朕甚悼焉其令內郡國舉茂材異等

賢良直言之士各一人夏六月詔曰間者連年不收四

方咸困元元之民勞於耕耘又亡成功困於饑饉亡以

相救朕為民父母德不能覆而有其刑甚自傷焉其赦

天下秋七月西羌反遣右將軍馮奉世擊之八月以太

常任千秋為奮威將軍別將五校竝進

師古曰別領五校之兵而與右

將軍竝進

三年春西羌平軍罷三月立皇子康為濟陽王夏四月

癸未大司馬車騎將軍接薨

師古曰王接

冬十一月詔曰廼

者己丑地動中冬雨水大霧

師古曰中讀曰仲雨音于具反

盜賊竝起

吏何不以時禁各悉意對

師古曰時禁謂月令所當禁斷者也悉盡也

冬復

鹽鐵官博士弟子員

師古曰復音扶目反

以用度不足民多復除

師古曰復音方目反無以給中外繇役

四年春二月詔曰朕承至尊之重不能燭理百姓婁遭

凶咎加以邊竟不安師旅在外

師古曰婁讀曰屢竟讀曰境

賦斂轉

輸元元騷動窮困亡聊犯法抵罪夫上失其道而繩下

以深刑朕甚痛之其赦天下所貸貧民勿收責三月行

幸雍祠五時夏六月甲戌孝宣園東闕災戊寅晦日有

蝕之詔曰蓋聞明王在上忠賢布職則羣生和樂方外

蒙澤今朕晦于王道

師古曰晦請與暗同

夙夜憂勞不通其理靡

瞻不眩靡聽不惑

師古曰靡無也眩視亂也音胡眇反

是以政令多還民

心未得

李奇曰還反也易曰渙汗其大號言王者發號施舍如汗出不可復反

邪說空進

事亡成功此天下所著聞也公卿大夫好惡不同

師古曰愛

憎各異也或緣姦作邪侵削細民元元安所歸命哉廼六月



晦日有蝕之詩不云虜今此下民亦孔之哀

師古曰小雅十月之

交之詩也孔甚也言災異既多百姓甚可哀愍

自今以來公卿大夫其勉思天

戒慎身脩永以輔朕之不逮

師古曰虞書咎繇謨云慎厥身脩思永言當慎脩其

身思為長久之道故此詔云慎身脩永也今流俗書本永上有職字者後人不曉妄加之耳

直言盡

意無有所諱九月戊子罷衛思后園及戾園

服虔曰戾太子母也

冬十月乙丑罷祖宗廟在郡國者諸陵分屬三輔

師古曰先

是諸陵摠屬太常今各依其地界屬三輔

以渭城壽陵亭部原上為初陵

服虔

曰元帝初置陵未有名也故曰初

詔曰安土重遷黎民之性

師古曰重難也

骨

肉相附人情所願也頃者有司緣臣子之義奏徙郡國  
民以奉園陵令百姓遠棄先祖墳墓破業失產親戚別  
離人懷思慕之心家有不安之意是以東垂被虛耗之  
害關中有無聊之民

師古曰耗損也音呼到反

非久長之策也詩不

云虐民亦勞止迄可小康惠此中國以綏四方

師古曰大雅民

勞之詩也止語助也迄至也康安也言人勞已久至此可以小安逸之施惠京師以及四達也

今所為

初陵者勿置縣邑使天下咸安土樂業亡有動搖之心

布告天下令明知之又罷先后父母奉邑

應劭曰先后為其父母置

邑守冢以奉祭祀既已久遠又非典制故罷之師古曰奉邑奉音扶用反

五年春正月行幸甘泉郊泰畤三月上幸河東祠后土

秋潁川水出流殺人民吏從官縣被害者與告晉灼曰從官猶

從後從軍也臣瓚曰告休倣也師古曰晉說非也從官即上侍從之官也言凡為吏為從官其本縣有被害者

皆與士卒遣歸冬上幸長楊射熊館師古曰射音食亦反布車騎

大獵十二月乙酉毀太上皇孝惠皇帝寢廟園

建昭元年春三月上幸雍祠五畤秋八月有白蛾羣飛

蔽日從東都門至枳道如淳曰三輔黃圖長安城東面北頭門號曰宣平城門其外郭

曰東都門也師古曰蛾成羣若今之蠶蛾類也音五何  
反枳音只枳道解在高紀○宋祁曰顏注南本唐本並

無成羣二字 冬河間王元有罪廢遷房陵罷孝文太后孝昭

太后寢園

二年春正月行幸甘泉郊泰畤三月行幸河東祠后土

益三河大郡太守秩戶十二萬為大郡夏四月赦天下

六月立皇子興為信都王

○宋祁曰興越本作興予據表傳作興是

閏月丁

酉太皇太后上官氏崩冬十一月齊楚地震大雨雪

師古

曰雨音反 樹折屋壞淮陽王舅張博魏郡太守京房坐窺

道諸侯王以邪意漏泄省中語師古曰道讀曰蕞博要斬房棄

市

三年夏令三輔都尉○宋祁曰唐本無都字大郡都尉○宋祁曰舊本南本

唐本竝無郡字刊誤添秩皆二千石六月甲辰丞相玄成薨師古曰韋

成玄秋使護西域騎都尉甘延壽副校尉陳湯師古曰言延壽及湯

本充西域之使故先言使橋發戊己校尉屯田吏士及而後序其官職及姓名

西域胡兵攻鄯支單于師古曰橋與矯同矯託也實不奉詔詐以上命發兵故言橋發

也戊己校尉者鎮安西域無常治處亦猶甲乙等各有方位而戊與己四季寄王故以名官也時有戊校尉又

有已校尉一說戊巳位在中央今所置校尉處三十六國之中故曰戊巳也邳音質冬斬其首傳

詣京師縣蠻夷邸門

師古曰縣古懸字也蠻夷邸若今鴻臚客館○宋祁曰唐本無門字

四年春正月以誅邳支單于告祠郊廟赦天下羣臣上

壽置酒以其圖書示後宮貴人

服虔曰討邳支之圖書也或曰單于土地山川

之形書也師古曰或說非

夏四月詔曰朕承先帝之休烈

師古曰休美也烈業

也夙夜栗栗懼不克任間者陰陽不調

○宋祁曰不唐本作未五

行失序百姓饑饉惟烝庶之失業臨遣諫大夫博士賞

等二十一人循行天下

師古曰行音下更反

存問耆老鰥寡孤獨

乏困失職之人舉茂材特立之士相將九卿其帥意毋

怠使朕獲觀教化之流焉六月甲申中山王竟薨藍田

地沙石雍霸水安陵岸崩雍涇水水逆流

孟康曰安陵岸惠帝陵旁

涇水岸也師古曰雍讀曰壅

五年春三月詔曰蓋聞明王之治國也明好惡而定去

就崇敬讓而民興行故法設而民不犯令施而民從今

朕獲保宗廟兢兢業業匪敢解怠

師古曰兢兢慎也業業危也解讀曰懈

德薄明晦教化淺微

師古曰晦讀與暗同

傳不云虜百姓有過在

予一人

師古曰論語載殷湯伐桀告天下之文也言君天下者當任其憂責

其赦天下賜

民爵一級女子百戶牛酒三老孝弟力田帛又曰方春

農桑興百姓勸力自盡之時也故是月勞農勸民無使

後時

師古曰勞農謂慰勉之勞音來到反

今不良之吏覆案小罪

師古曰覆音方

目反○宋祁曰唐本無之字

徵召證案興不急之事以妨百姓使失

一時之作亡終歲之功公卿其明察申救之

師古曰申重也一曰

約束之耳

夏六月庚申復戾園壬申晦日有蝕之秋七月庚

子復太上皇寢廟園原廟

文穎曰高祖已自有廟在長安城中惠帝更於渭北作廟



謂之原廟爾雅曰原者再再作廟也晉灼曰昭靈后武原本也始祖之廟故曰本也師古曰文說是

哀王昭哀后衛思后園

師古曰昭靈后高祖母也武哀王高祖兄也昭哀后高祖姊也

衛思后庚太子母也

竟寧元年

應劭曰序韓邾單于願保塞邊竟得以安寧故以冠元也師古曰據如應說竟讀為境古

之用字竟境實同但此詔云邊垂長無兵革之事竟者終極之言言永安寧也既無兵革中外安寧豈止境上

若依本字而讀義更弘通也

春正月匈奴虜韓邾單于來朝

宋祁曰虜當作

呼詔曰匈奴支單于背叛禮義既伏其辜虜韓邾單

于不忘恩德鄉慕禮義

師古曰鄉讀曰嚮

復修朝賀之禮願保

塞傳之無窮邊垂長無兵革之事其改元為竟寧賜單

于待詔掖庭王嬙為閼氏

應劭曰郡國獻女未御見須命於掖庭故曰待詔王嬙王

氏女名嬙字昭君文穎曰本南郡秭歸人也蘇林曰閼氏音馮支如漢皇后也師古曰秭音姊

皇太子

冠賜列侯嗣子爵五大夫

師古曰第九爵

天下為父後者爵一

級二月御史大夫延壽卒

師古曰即繁延壽也繁音蒲何反

三月癸未

復孝惠皇帝寢廟園孝文太后孝昭太后寢園夏封騎

都尉甘延壽為列侯賜副校尉陳湯爵關內侯黃金百

斤五月壬辰帝崩于未央宮

臣瓚曰帝年二十七即位即位十六年壽四十三

毀太上皇孝惠孝景皇帝廟罷孝文孝昭太后昭靈后

武哀王昭哀后寢園秋七月丙戌葬渭陵

臣瓚曰自崩及葬凡五十

五日渭陵在長安北五十六里也

贊曰臣外祖兄弟為元帝侍中

應劭曰元成帝紀皆班固父彪所作臣則彪自

說也外祖金敞也如淳曰班固外祖樊叔皮也師古曰應說是

語臣曰元帝多材藝善

史書

應幼曰周宣王太史史籀所作大篆

鼓琴瑟吹洞簫

如淳曰簫之無底者

自度

曲被歌聲

應劭曰自隱度作新曲因持新曲以為歌詩聲也荀悅曰被聲能播樂也臣瓚曰度曲謂

歌終更授其次謂之度曲西京賦曰度曲未終雲起雪飛張衡舞賦度終復位次受二八師古曰應荀二說皆

是也度音大各反被音皮義反

分刊節度

蘇林曰刊度也知曲之終始節度也韋昭曰刊切也謂能

分切句絕為之節制也師古曰韋說是也刊音千本反

窮極幻眇

師古曰幻眇讀曰要妙

少

而好儒及即位徵用儒生委之以政貢薛韋匡迭為宰

相

師古曰貢禹薛廣德韋賢匡衡迭互而為丞相也迭音大結反

而上牽制文義優游

不斷

師古曰為文義所牽制故不斷決

孝宣之業衰焉然寬弘盡下出

於恭儉號令溫雅有古之風烈

前漢書卷九

前漢書卷九考證

元帝紀以三輔太常郡國公田及苑○胡三省曰太常掌諸陵邑故亦有公田及苑

中常侍許嘉○胡三省曰按表侍中中常侍皆加官西都叅用士人東都以宦者為中常侍

北假田官○臣召南按水經注曰自高闕以東夾山帶

河陽山以西皆北假也

詔丞相御史舉質樸敦厚遜讓有行者光祿歲以此科

第郎從官注

○ 臣召南

按所云舉光祿四行者即起

于此後漢書吳祐以光祿四行遷膠東侯相注引漢

官儀曰淳厚質樸遜讓節儉也蓋漢時朝廷從官俱

屬光祿勳自太中大夫中大夫諫大夫及郎議郎中

郎侍郎郎中其員多至千人故令光祿勳第其賢否

以太常任千秋為奮威將軍○按馮奉世傳作奮武將

軍

贊貢薛韋匡迭為宰相○

臣召南

按貢禹薛廣德止為

御史大夫而贊與韋匡並列漢世以御史大夫為丞  
相之副故與丞相並稱兩府其後改丞相曰司徒改  
御史大夫曰司空遂並為三公矣蕭望之嘗為御史  
大夫後為前將軍曰吾備位將相亦是此義

前漢書卷九考證



欽定四庫全書

前漢書卷十

漢

蘭

臺

令

史班

固撰

唐正議大夫行秘書少監琅邪縣開國子顏師古注

成帝紀第十

孝成皇帝

荀悅曰諱驚字太孫驚之字曰俊應劭曰  
諡法安民立政曰成師古曰驚音五到反

帝太子也母曰王皇后元帝在太子宮生甲觀畫堂

應劭

曰甲觀在太子宮甲地主用乳生也畫堂畫九子母如  
淳曰甲觀觀名畫堂堂名三輔黃圖云太子宮有甲觀

師古曰甲者甲乙丙丁之次也元后傳言見於丙殿此其例也而應氏以為在宮之甲地謬矣畫堂但畫飾耳豈必九子母乎霍光止畫室中是則宮殿中通有綠畫之堂室為世嫡皇孫宣帝愛之

字曰太孫常置左右年三歲而宣帝崩元帝即位帝為

太子壯好經書寬博謹慎初居桂宮

師古曰三輔黃圖桂宮在城中近北

宮非太子宮

上嘗急召太子出龍樓門

張晏曰門樓上有銅龍若白鶴飛廉之為

名也不敢絕馳道

應劭曰馳道天子所行道也若今之中道師古曰絕橫度也

西至直

城門

晉灼曰黃圖西出南頭第二門也

得絕乃度還入作室門上遲之

問其故以狀對上大說

師古曰說讀曰悅

乃著令令太子得絕

馳道云

師古曰言云者此舉著令之文

其後幸酒樂燕樂

晉灼曰幸酒好酒也樂燕

沈燕也師古曰幸酒晉說昆也樂燕樂者論語稱孔子損者三樂樂驕樂樂逸遊樂燕樂損矣燕樂燕私之

樂也上樂讀如本字又音五孝反下樂音米各反今流俗本無下樂字後人不曉輒去之

上不以為

能而定陶恭王有材甄母傅昭儀又愛幸上以故常有

意欲以恭王為嗣賴侍中史丹護太子家輔助有力上

亦以先帝尤愛太子故得無廢竟寧元年五月元帝崩

六月己未太子即皇帝位謁高廟尊皇太后曰太皇太

后皇后曰皇太后以元舅侍中衛尉陽平侯王鳳為大

司馬大將軍領尚書事乙未有司言乘輿車牛馬禽獸皆非禮不宜以葬奏可七月大赦天下

建始元年春正月乙丑皇曾祖悼考廟災文頴曰宣帝父史皇孫廟

立故河間王弟上郡庫令良為王如淳曰漢官北邊郡庫官之兵器所藏故

置有星孛于營室罷上林詔獄師古曰漢舊儀云上林詔獄主治苑中禽獸官

館事屬水衡二月右將軍長史姚尹等使匈奴還去塞百餘

里暴風火發燒殺尹等七人賜諸侯王丞相將軍列侯

王太后公主王主張晏曰天子女曰公主秩比公也王主王之女也師古曰王主則翁主也

王自主婚  
故曰王主

吏二千石黃金宗室諸官吏千石以下至二

百石及宗室子有屬籍者三老孝弟力田鰥寡孤獨錢

帛各有差吏民五十戶牛酒詔曰廼者火災降於祖廟

有星孛于東方始正而虧

如淳曰言始即帝之  
正而有彗星之虧也

咎孰大

焉

師古曰孰有大  
於此者孰誰也

書云惟先假王正厥事

師古曰商書  
高宗彤日載

武丁之臣祖己之辭也假至也言先古至道  
之君遭遇災變則正其行事修德以應之

羣公攷攷

帥先百寮輔朕不逮

師古曰攷攷不  
怠之意攷音茲

崇寬大長和睦凡

事恕已毋行苛刻

師古曰恕者仁也  
已之心以度於物

仁其大赦天下使

得自新封舅諸吏光祿大夫關內侯王崇為安成侯

應劭

曰百官表諸吏得舉法案勅職如御史中丞武帝初賜置皆兼官所加或列侯將軍卿大夫為之無員也

舅王譚商立根逢時爵關內侯夏四月黃霧四塞博問

公卿大夫無有所諱六月有青蠅無萬數

師古曰言其極多雖欲以

萬數計之而不可得故云無萬數

集未央宮殿中朝者坐

服虔曰公卿以下朝會坐

也晉灼曰內朝臣之朝坐也師古曰朝臣坐之在宮殿中者也服說是矣坐音才臥反

秋罷上林

宮館希御幸者二十五所八月有兩月相承晨見東方

服虔曰相承在上下也應劭曰案京房易傳云君弱如婦為陰所乘則兩月出九月戊子流星

光燭地長四五丈委曲蛇形貫紫宮十二月作長安南

北郊罷甘泉汾陰祠是日大風拔甘泉時中大木十韋

以上

師古曰韋與園同

郡國被災什四以上毋收田租

師古曰什四謂

田畝所收十損其四

二年春正月罷雍五時辛巳上始郊祀長安南郊詔曰

廼者徙泰畤后土于南郊北郊朕親飭躬郊祀上帝

師古

曰飭整也讀與勅同

皇天報應神光並見三輔長無共張繇役之

勞師古曰共音居用反張音竹亮反謂供具張設他皆類此○宋祁曰姚本注云漢每上雍祀甘泉有千乘

萬騎置頓之勞今移祀于赦奉郊縣長安長陵應劭曰南郊郊故有共帳繇役也天郊在

長安城南地郊在長安城北長陵界及中都官耐罪徒

中二縣有奉郊之勤故一切並赦之師古曰中都官京師諸官府減天下賦錢算四十孟康曰本算百二十今減四十為八

十閏月以渭城延陵亭部為初陵二月詔三輔內郡舉

賢良方正各一人師古曰內郡謂非邊郡三月北宮井水溢出辛

丑上始祠后土于北郊丙午立皇后許氏師古曰許嘉女罷六

廐技巧官服虔曰倡技巧者也師古曰謂巧藝之技耳非倡樂之技也夏大旱東平

王宇有罪削樊亢父縣師古曰樊及亢父東平之二縣也亢音抗父音甫秋罷



太子博望苑

文穎曰武帝為術太子作此苑令受賓客也

以賜宗室朝請者

師古曰請音才性反

減乘輿廐馬

三年春三月赦天下徒賜孝弟力田爵二級諸逋租賦

所振貸勿收秋關內大水七月虜上小女陳持弓聞大

水至走入橫城門闌入尚方掖門

服虔曰虜音斯應幼曰虜上地名在渭水

邊陳姓也持弓名也無符籍妄入官曰闌掖門者正門之傍小門也如淳曰橫音光三輔黃圖北面西頭第一

門師古曰掖門在兩傍言如人臂掖也

至未央宮鉤盾中吏民驚上城九

月詔曰廼者郡國被水災流殺人民多至千數京師無

故訛言大水至

師古曰訛偽言

吏民驚恐奔走乘城

師古曰乘登也

殆

苛暴深刻之吏未息元元寃失職者衆

師古曰職常也失其常業

遣

諫大夫林等循行天下

師古曰行音下更反

冬十二月戊申朔日

有蝕之夜地震未央宮殿下詔曰蓋聞天生衆民不能

相治為之立君以統理之君道得則草木昆蟲咸得其

所

師古曰昆衆也昆蟲言衆蟲也又許慎說文云二虫為蝨讀與昆同謂出之總名兩義並通而鄭康成以

昆蟲為明蟲失之矣虫音許尾反

人君不德謫見天地

師古曰言天地見變所以責之

災異婁發以告不治

師古曰婁古屢字也治音丈吏反

朕涉道日寡舉

錯不中

師古曰中當也音竹仲反

乃戊申日蝕地震朕甚懼焉公卿

其各思朕過失明白陳之女無面從退有後言

師古曰虞書益

稷之篇云帝曰子違汝弼汝無面從退有後言謂我有違道汝當正之無得對面則順從唯退後則有謗讟

之言也故此詔引之

丞相御史與將軍列侯中二千石及內郡國

舉賢良方正能直言極諫之士詣公車朕將覽焉越雋

山崩

四年春罷中書宦官

臣瓚曰漢初中人有中謁者令孝武加中謁者令為中書謁者令置

僕射宣帝時任中書官弘恭為令石顯為僕射元帝即位數年恭死顯代為中書令專權用事至成帝乃罷其

官初置尚書員五人

師古曰漢舊儀云尚書四人為四曹常侍尚書主丞相御史事二千

石尚書主刺史二千石事戶曹尚書主庶人上書事主客尚書主外國事成帝置五人有三公曹主斷獄事

夏四月雨雪

師古曰雨音于具反

五月中謁者丞陳臨殺司隸校

尉轅豐於殿中

應劭曰豐為長安令治有能名擢拜司隸校尉臨素與豐有怨見其尊顯畏為

已害拜訖未出使人刺殺

秋桃李實大水河決東郡金隄

師古曰金隄者河隄

之名今在滑州界

冬十月御史大夫尹忠以河決不憂職自殺

河平元年春三月詔曰河決東郡流漂二州

師古曰兗州豫州之

地校尉王延世隄塞輒平其改元為河平賜天下吏民

爵各有差夏四月己亥晦日有蝕之既詔曰朕獲保宗

廟戰戰栗栗未能奉稱

師古曰謂不副先帝之業

傳曰男教不脩陽

事不得則日為之蝕天著厥異辜在朕躬公卿大夫其

勉悉心以輔不逮

師古曰悉盡也逮及也

百寮各修其職惇任仁

人退遠殘賊

師古曰惇厚也遠離也逮音于萬反

陳朕過失無有所諱大

赦天下六月罷典屬國并大鴻臚秋九月復太上皇寢

廟園

二年春正月沛郡鐵官冶鐵飛語在五行志夏六月封

舅譚商立根逢時皆為列侯

三年春二月丙戌隄為地震山崩

師古曰隄音其言反又其連及

雍江

水水逆流

師古曰雍音壘其下皆同

秋八月乙卯晦日有蝕之光祿

大夫劉向校中祕書

師古曰言中以別外

謁者陳農使使求遺書

於天下

師古曰言令陳農為使而使之求遺書也上使音所吏反下使讀如本字

四年春正月匈奴單于來朝赦天下徒賜孝弟力田爵

二級諸逋租賦所振貸勿收二月單于罷歸國三月癸

丑朔日有蝕之遣光祿大夫博士嘉等十一人行舉瀕

河之郡

師古曰巡行而舉其狀也瀕水厓也瀕河言傍河也行音下更反瀕音頻又音賓傍音布浪反

水所毀傷困乏不能自存者財振貸

師古曰財與裁同謂量其等差而振

貸其為水所流壓死不能自葬令郡國給槨槨葬埋

古師

曰槨槨謂小棺槨音衡槨音讀

已葬者與錢人二千避水它郡國在所

冗食之

文頽曰冗散也散廩食使生活不占著戶給役使也如淳曰散著人間給食之官償其直也師

古曰文說是也冗音如勇反食讀曰飮

謹遇以文理無令失職

師古曰勿使失其常

理舉惇厚有行能直言之士壬申長陵臨涇岸崩雍涇

水夏六月庚戌楚王囂薨山陽火生石中改元為陽朔

陽朔元年

應劭曰時陰盛陽微故改元曰陽朔欲陽之蘇息也師古曰應說非也朔始也以火生石

中言陽氣之始

春二月丁未晦日有蝕之三月赦天下徒冬京

兆尹王章有罪下獄死

二年春寒詔曰昔在帝堯立羲和之官

應劭曰尚書堯典曰乃命羲和

羲氏和氏世掌天地之官

命以四時之事令不失其序故書云黎民

於蕃時雍

應劭曰黎衆也時是也雍和也言衆民於是變化用是太和也韋昭曰蕃多也師古曰此

虞書堯典之辭也今尚書作變而此紀作蕃兩說並通蕃音扶元反

明以陰陽為本也今

公卿大夫或不信陰陽薄而小之

師古曰謂為輕小之事也所奏請



多違時政

李奇曰時政月令也

傳以不知周行天下

如淳曰在位者皆不知陰

陽時政轉轉相因故令後人遂不知也師古曰如說非也言遞相因循以所不知之事施設教命周偏天下

而欲望陰陽和調豈不謬哉其務順四時月令三月大

赦天下夏五月

○宋祁曰古本無夏字

除吏八百石五百石秩

李奇

曰除八百就六百除五百就四百

秋關東大水流民欲入函谷天井壺

口五阮關者勿苛留

應劭曰天井在上黨高都壺口在壺關五阮在代郡如淳曰阮音近

捲反師古曰苛細刻也阮音其遠反苛音河

遣諫大夫博士分行視

師古曰行音下

更反八月甲申定陶王康薨九月奉使者不稱

師古曰不副上意

詔曰古之立太學將以傳先王之業流化於天下也儒

林之官四海淵原宜皆明於古今溫故知新通達國體

師古曰溫厚也謂厚積於故事也故謂之博士否則學者無述焉為下

所輕非所以尊道德也工欲善其事必先利其器師古曰論

語載孔子之言也故此詔引焉丞相御史其與中二千石二千石雜舉

可充博士位者使卓然可觀師古曰卓然高遠之貌也是歲御史大

夫張忠卒師古曰史不記其月故書之於歲末其下王駿亦同

三年春三月壬戌隕石東郡八夏六月潁川鐵官徒申

屠聖等百八十人殺長吏盜庫兵自稱將軍經歷九郡

遣丞相長史御史中丞逐捕以軍興從事皆伏辜師古曰逐

捕之事須有發興皆依軍法秋八月丁巳大司馬大將軍王鳳薨

四年春正月詔曰夫洪範八政以食為首師古曰洪範尚書篇名箕

子為周武王所說洪大也範法也八政一曰食蓋王政之所先故以為首斯誠家給刑錯之

本也師古曰言倉廩充盈則家家自足人不犯禁無所用刑也先帝劬農蘇林曰劬音翹精異

之意也晋灼曰劬勸勉也師古曰晋說也是也其字從力音時召反薄其租稅寵其強力

師古曰謂優寵力田之人令與孝弟同科師古曰謂每同薦舉及加賜也問者民彌

惰怠鄉本者少趨末者衆將何以矯之師古曰鄉讀曰嚮矯正也方

東作時應劭曰東作耕也師古曰春位在東耕者始作故曰東作虞書堯典曰平秩東作其令

二千石勉勸農桑出入阡陌致勞來之師古曰阡陌田間道也南北曰

阡東西曰陌蓋秦時商鞅所開也勞來勸勉之意也勞音郎到反來音郎代反書不云乎服田

力嗇乃亦有秋應劭曰農夫服田厲其膂力乃有秋收也師古曰此商書盤庚之辭其勗

之哉二月赦天下秋九月壬申東平王宇薨閏月壬戌

御史大夫于永卒師古曰于定國子

鴻嘉元年春二月詔曰朕承天地獲保宗廟明有所蔽

德不能綏刑罰不中衆寃失職趨闕告訴者不絕是以

陰陽錯謬寒暑失序

師古曰序次也

日月不光百姓蒙辜朕甚

閔焉

師古曰蒙被也

書不云乎即我御事罔克耆壽咎在厥躬

文穎曰此尚書文侯之命篇中辭也言我周家用事者無能有者老賢者使國之危亡罪咎在其用事者也師古曰咎在厥躬平王自謂故帝引之以自責耳文氏乃云咎在用事斯失之矣

方春生長時臨

遣諫大夫理等

師古曰天子自臨敕而遣

舉三輔三河弘農寃獄公

卿大夫部刺史明申敕守相稱朕意焉其賜天下民爵

一級女子百戶牛酒加賜鰥寡孤獨高年帛逋貸未入

者勿收壬午行幸初陵赦作徒

師古曰徒人之在陵作役者

以新豐

戲鄉為昌陵縣

師古曰戲水之鄉也音許宜反

奉初陵賜百戶牛酒上

始為微行出

張晏曰於後門出從期門郎及私奴客十餘人白衣組幘單騎出入市里不復警蹕

若微賤之所為故曰微行

冬黃龍見真定

師古曰本趙國東垣縣也高祖十一年更名真定

二年春行幸雲陽三月博士行飲酒禮有雉蜚集于庭

歷階升堂而雉

師古曰蜚古飛字也歷階謂以次而登也○宋祁曰歷階唐本作歷陞

後

集諸府又集承明殿

師古曰在未央宮中

詔曰古之選賢傅納以

言明試以功

師古曰傅讀曰敷敷陳也令其陳言而省納之乃試以事也

故官無廢

事下無逸民

師古曰逸遁也

教化流行風雨和時百穀用成衆

庶樂業咸以康寧朕承鴻業十有餘年數遭水旱疾疫

之災黎民婁困於饑寒

師古曰婁古屢字

而望禮義之興豈不

難哉朕既無以率道

師古曰道讀曰道

帝王之道日以陵夷

師古

曰陵丘陵也夷平也言其類替若丘陵之漸平也又曰陵遲亦言如丘陵之逶遲稍卑下也他皆類此

意

廼招賢選士之路鬱滯而不通與

師古曰與讀曰歟

將舉者未

得其人也其舉敦厚有行義能直言者冀聞切言嘉謀

匡朕之不逮夏徒郡國豪傑貲五百萬以上五千戶于

昌陵賜丞相御史將軍列侯公主中二千石冢地第宅

師古曰並於昌陵賜之

六月立中山憲王孫雲客為廣德王

三年夏四月赦天下令吏民得買爵賈級千錢

師古曰賈讀曰

價

大旱秋八月乙卯孝景廟闕災冬十一月甲寅皇后

許氏廢廣漢男子鄭躬等六十餘人攻官寺篡囚徒

師古

曰逆取曰篡

盜庫兵自稱山君

四年春正月詔曰數赦有司務行寬大而禁苛暴訖今不改一人有辜舉宗拘繫農民失業怨恨者衆傷害和



氣水旱為災關東流冗者衆

師古曰冗散失其事業也冗音人勇反

青幽

冀部尤劇朕甚痛焉未聞在位有惻然者孰當助朕憂

之

師古曰孰誰也

已遣使者循行郡國

師古曰行音下更反

被災害什四

以上民貲不滿三萬勿出租賦逋貸未入皆勿收流民

欲入關輒籍內

師古曰錄其民籍而內之

所之郡國謹遇以理

師古曰之

往也務有以全活之思稱朕意秋勃海清河河溢被災者

振貸之冬廣漢鄭躬等黨與寢廣

師古曰寢古浸字浸漸也

犯歷四

縣衆且萬人拜河東都尉趙護為廣漢太守發郡中及

蜀郡合三萬人擊之或相捕斬除罪

師古曰賊黨相捕斬而來者故其本

罪旬月平遷護為執金吾賜黃金百斤

永始元年春正月癸丑太官凌室火

師古曰藏冰之室

戊午庚

后園關火夏四月封婕妤趙氏父臨為成陽侯五月封

舅曼子侍中騎都尉光祿大夫王莽為新都侯六月丙

寅立皇后趙氏

師古曰趙飛燕也即上所謂婕妤趙氏

大赦天下秋七月

詔曰朕執德不固謀不盡下

師古曰言不博謀於羣下

過聽將作大

匠萬年

師古曰過誤也萬年解萬年也

言昌陵三年可成作治五年中

陵司馬殿門內尚未加功

如淳曰陵中有司馬殿門如生時制也臣瓚曰天子之藏

壙中無司馬殿門也此謂陵上寢殿及司馬門也時皆未作之故曰尚未加功師古曰中陵陵中正寢也司馬殿門內瓚

天下虛耗

師古曰耗損也音呼到反

百姓罷勞

師古曰罷讀曰疲

客土疏惡

服虔曰取他處土以增高為客土也

終不可成朕惟其難怛然

傷心

師古曰惟思也

夫過而不改是謂過矣

師古曰論語載孔子之言故詔引之

其罷昌陵及故陵勿徙吏民令天下毋有動搖之心立

城陽孝王子俚為王

如淳曰俚音里

八月丁丑太皇太后王氏

崩

師古曰宣帝王皇后也

二年春正月己丑大司馬車騎將軍王音薨二月癸未

夜星隕如雨乙酉晦日有蝕之詔曰乃者龍見于東萊

日有蝕之天著變異以顯朕郵

師古曰郵與尤同謂過也

朕甚懼焉

公卿申敕百寮深思天誠有可省減便安百姓者條奏

所振貸貧民勿收又曰關東比歲不登

師古曰比類也

吏民以

義收食貧民入穀物助縣官振贍者已賜直

如淳曰賜之爵復租

賦以為直師古曰此說非也收食貧人謂收取而養食之助縣官振贍謂出物以助郡縣之官也已賜直謂官

賜其所費直也今方更加爵及免賦耳食讀曰飯

其百萬以上加賜爵右更

師古

曰第十四爵也

欲為吏補三百石其吏也遷二等

師古曰先

更音工衛反

已為吏則三十萬以上賜爵五大夫

師古曰第九爵也

吏亦遷

二等民補郎十萬以上家無出租賦三歲萬錢以上一

年冬十一月行幸雍祠五時十二月詔曰前將作大匠

萬年知昌陵卑下不可為萬歲居奏請營作建置郭邑

妄為巧詐積土增高多賦斂繇役興卒暴之作

師古曰卒讀曰

猝謂急也

卒徒蒙辜死者連屬

師古曰屬音之欲反

百姓罷極天下匱

竭

師古曰罷讀曰疲匱空也竭盡也

常侍閣前為大司農中丞數奏昌

陵不可成

師古曰閔王閔也

侍中衛尉長數白宜早止徙家反

故處

師古曰長淳于長也

朕以長言下閔章

如淳曰以衛尉長數曰罷故因下閔請奏

罷作之章師古曰下音胡稼反

公卿議者皆合長計首建至策閔典主

省大費

師古曰司農中丞主錢穀顧庸故云典主

民以康寧閔前賜爵關內

侯黃金百斤其賜長爵關內侯食邑千戶閔五百戶萬

年佞邪不忠毒流衆庶海內怨望至今不息雖蒙赦令

不宜居京師其徙萬年敦煌郡是歲御史大夫王駿卒

師古曰王吉之子也

三年春正月己卯晦日有蝕之詔曰天災仍重朕甚懼

馬

師古曰仍頻也重音直用反

惟民之失職

師古曰失其常業也

臨遣太中大

夫嘉等循行天下

師古曰行音下更反

存問耆老民所疾苦其與

部刺史舉惇樸遜讓有行義者各一人冬十月庚辰皇

太后詔有司復甘泉泰畤汾陰后土雍五畤陳倉陳寶

祠

師古曰陳寶祠在陳倉

語在郊祀志十一月尉氏男子樊並等

十三人謀反

師古曰尉氏陳留之縣

殺陳留太守劫畧吏民自稱

將軍徒李譚等五人共格殺並等皆封為列侯十二月

山陽鐵官徒蘇令等二百二十八人攻殺長吏盜庫兵

自稱將軍經歷郡國十九殺東郡太守汝南都尉遣丞

相長史御史中丞持節督趣逐捕

師古曰趣讀曰促

汝南太守

嚴訢捕斬令等

師古曰訢與欣同令即蘇令

遷訢為大司農賜黃金

百斤

四年春正月行幸甘泉郊泰畤神光降集紫殿大赦天

下賜雲陽吏民爵女子百戶牛酒鰥寡孤獨高年帛三

月行幸河東祠后土賜吏民如雲陽行所過無出田租



夏四月癸未長樂臨華殿未央宮東司馬門皆災

師古曰東

面之司馬門也

六月甲午霸陵園門闕災出杜陵諸未嘗御者

歸家詔曰廼者地震京師火災婁降

師古曰婁古屢字

朕甚懼

之有司其悉心明對厥咎

師古曰悉盡也

朕將親覽焉又曰聖

王明禮制以序尊卑異車服以章有德雖有其財而無

其尊不得踰制故民興行

師古曰行音下更反

上義而下利

師古曰以

義為上以利為下

方今世俗奢僭罔極

師古曰罔無也極中也一曰止也

靡有

厭足公卿列侯親屬近臣四方所則

師古曰則法也

未聞修身

遵禮同心憂國者也或廼奢侈逸豫務廣第宅治園池

多畜奴婢被服綺縠

師古曰被音皮義反

設鐘鼓備女樂車服嫁

娶葬埋過制吏民慕效寢以成俗

師古曰寢漸也

而欲望百姓

儉節家給人足豈不難哉詩不云乎赫赫師尹民具爾

瞻

師古曰小雅節南山之詩也赫赫盛貌也師尹尹氏為太師之官也言居位甚高備為眾庶所瞻仰

申敕有司以漸禁之

師古曰謂約束也

青綠民所常服且勿止

師古曰然則禁紅紫之屬

列侯近臣各自省改

師古曰省視也視而改之論語稱曾子曰

吾曰三省吾身○劉攽曰予謂省者減省也改者頓改也

司隸校尉察不變者秋七

月辛未晦日有蝕之

元延元年春正月己亥朔日有蝕之三月行幸雍祠五  
時夏四月丁酉無雲有雷聲光耀耀四面下至地昏止

赦天下秋七月有星孛于東井詔曰廼者日蝕星隕謫

見于天大異重仍

師古曰仍頻也  
重音直用反

在位默然罕有忠言

今孛星見于東井朕甚懼焉公卿大夫博士議郎其各  
悉心惟思變意明以經對無有所諱與內郡國舉方正

能直言極諫者各一人

師古曰令公卿與內郡國各舉  
一人○宋祁曰注文南本作內

郡國共舉人北邊二十二郡舉勇猛知兵法者各一人封蕭

相國後喜為鄴侯

○宋祁曰喜字唐本南本並作嘉予據表傳作嘉是

冬十二月

辛亥大司馬大將軍王商薨是歲昭儀趙氏害後宮皇

子

師古曰趙飛燕之妹

二年春正月行幸甘泉郊泰畤三月行幸河東祠后土

夏四月立廣陵孝王子守為王

○宋祁曰子守為王景德本史館本唐本並作

子字冬行幸長楊宮從胡客大校獵

如淳曰合軍聚衆有幡校擊鼓也周

禮校人掌王田獵之馬故謂之校獵師古曰如說非也此校謂以本自相貫穿為闌校耳校人職云六廐成校

是則以遮闌為義也。校獵者大為闌校以遮禽獸而獵取也。軍之幡旗雖有校名本因部校此無豫也。○劉攽曰：子謂校讀如犯而不校。宿黃陽宮師古曰黃音倍賜從官之校校亦競也競逐獵也

三年春正月丙寅蜀郡岷山崩

師古曰岷音武巾反

雍江三日江

水竭二月封侍中衛尉淳于長為定陵侯三月行幸雍

祠五畤

四年春正月行幸甘泉郊泰畤二月罷司隸校尉官三月行幸河東祠后土甘露降京師賜長安民牛酒

綏和元年春正月大赦天下二月癸丑詔曰朕承太祖

鴻業奉宗廟二十五年德不能綏理宇內百姓怨望者

衆不蒙天祐至今未有繼嗣天下無所係心觀于往古

近事之戒禍亂之萌皆由斯焉師古曰始生曰萌定陶王欣於

朕為子慈仁孝順可以承天序繼祭祀其立欣為皇太

子封中山王舅諫大夫馮參為宜鄉侯益中山國三萬

戶以慰其意師古曰以不得繼統為帝之後恐其怨恨賜諸侯王列侯金天

下當為父後者爵三老孝弟力田帛各有差又曰蓋聞

王者必存二王之後所以通三統也師古曰天地人是為三統二王之後

并巳為三代師古曰夏殷周是為三代而祭祀廢絕

考求其後莫正孔吉

臣瓚曰無若孔吉最正也

其封吉為殷紹嘉侯

三月進爵為公及周承休侯皆為公地各百里行幸雍

祠五畝夏四月以大司馬票騎大將軍為大司馬

文穎曰主

也罷將軍官御史大夫為大司空封為列侯益大司馬

大司空奉如丞相

如淳曰律丞相大司馬大將軍奉錢月六萬御史大夫奉月四萬也

秋

八月庚戌中山王興薨冬十一月立楚孝王孫景為定

陶王定陵侯淳于長大逆不道下獄死廷尉孔光使持

節賜貴人許氏藥飲藥死

師古曰即前所廢皇后許氏也

十二月罷部

刺史更置州牧秩二千石

二年春正月行幸甘泉郊泰畤二月壬子丞相翟方進

薨三月行幸河東祠后土丙戌帝崩于未央宮

臣瓚曰帝年二

十即位即位二十六年壽四十五師古曰即位明年乃改元耳壽四十六

皇太后詔有司復

長安南北郊四月己卯葬延陵

臣瓚曰自崩至葬凡五十四日延陵在扶風去

長安六十二里

贊曰臣之姑充後宮為婕妤

晉灼曰班彪之姑也

父子昆弟侍帷



幄數為臣言成帝善修容儀升車正立不內顧不疾言

不親指

師古曰不內顧者謂儼然端嚴不迴眄也不疾言者為輕肆也不親指者為惑下也此三句者

本論語鄉黨篇述孔子之事故班氏引之以美成帝今論語云車中不內顧不疾言不親指內顧者說者以為

前視不過衡軛旁視不過較與此不同轉音於綺反臨朝淵嘿尊嚴若神可謂

穆穆天子之容者矣

師古曰禮記云天子穆穆諸侯皇皇大夫濟濟士蹇蹇故此贊引之

博覽古今容受直辭公卿稱職奏議可述

師古曰稱職克當其任也

可述言有文采遭世承平上下和睦然湛于酒色

師古曰湛讀曰耽趙

氏亂內外家擅朝言之可為於邑

師古曰於邑短氣貌讀如本字於又音烏

邑又音烏合反他皆類此建始以來王氏始執國命袁平短祚莽遂篡位蓋其威福所由來者漸矣

前漢書卷十

前漢書卷十考證

成帝紀罷六厩技巧官○

臣召南

按百官表六厩技巧

二官有令有丞屬水衡都尉師古但解技巧未釋六

厩於百官表注引漢舊儀即以太僕之大厩解之恐

未為當此所罷者止言水衡所屬之六厩非太僕所

屬也下文又云減乘輿厩馬則太僕所屬者矣

蓋聞天生衆民○宋本無蓋聞二字別本俱有

五阮闕注應劭曰五阮在代郡○

臣召南

按地理志代

郡無五阮關有五原關疑五阮即五原音之轉耳

前漢書卷十考證